



312.. Gr. Xlvi.

47175/B

19/5



58.D.2

25000

10/1/11.

Hodgson

23/6/10.

D E P E S T E
PERICLIS AETATE ATHENIENSES
AFFLIGENTE

DISSERTATIO INAUGVRALIS MEDICO-HISTORICA

QVAM
GRATIOSI MEDICORVM ORDINIS
A VCTORITATE
PRAESIDE

D. CAROLO GOTTLOB KVEHNIO

PHYSIOLOG. ET PATHOLOG. PROF. PVBL. ORD. FAC.
MED. ASSESS. ACADEM. DECENVIR. VTRIVSQVE
COLLEGII PRINCIP. SODALI VARIAR. SOCIETATVM
ERVDIRARVM MEMBRO HONORARIO ETC.

PRO SVMMIS
IN MEDICINA ET CHIRVRGIA HONORIBVS

RITE CAPESSENDIS

DIE XIII. MENSIS APRILIS A. R. S. MDCCCXXI

ILLVSTRIS ICTORVM ORDINIS CONCESSV
IN AVDITORIO IVRIDICO

HORIS CONSVETIS

PVBLICE DEFENDET
A VCTOR

CHRISTIANVS AVGVSTVS SCHOENCKE

BVDISSA ORIVNDVS
MEDICINAE BACCALAVREVS.

L I P S I A E

EX OFFICINA CAROLI TAVCHNITII.

ἦκε δ' ἐπ' Ἀργείοισι κακὸν βέλος· οἱ δέ νη λαοὶ
θνήσκον πασσύτεροι· τὰ δ' ἐπώχετο κῆλα θεοῖο
πάντη ἀνὸ στρατὸν εὐρὺν Ἀχαιῶν.

Πλαδ. A. 382—384.



V I R O

PERILLVSTRI ET GENEROSISSIMO

FRIDERICO CHRISTIANO

DE CRIEGERN

DOMINO IN THVMITZ

POTENTISSIMO SAXONIAE REGI A CONSILIIS

PRAEFECTVRAE SVPERMAE ORDINIS SAXONICI

VIRTVTIS CIVICAE INSIGNIBVS DECORATO

PATRONO LONGE INDVLGENTISSIMO.

W. H. O.

PRINTED BY THE

THE BIBLE SOCIETY

OF THE

DOMINION OF

THE

OF THE

OF THE

OF THE

*Musa, quis est, cuius venerando nomine parvos
Conatus possim condecorare meos,
Ut sint exiguum specimen summae pietatis
Et testes animi, qui bene facta colit?
Suaviter et dixit mihi Musa: „Est Vnus in urbe,
„In qua prima tibi splenduit alma dies,
„Qui quacunque viget virtute, et qui probitate
„Pulcrum proponit, quod teneant alii!
„Exemplum; est aditus cunctis patefactus ad Ipsum,
„Comiter excipitur, qui petit auxilium.
„Propterea cunctis etiam urbis amore tenetur
„Civibus, et resonant omnia laude Sua.“
Et tacito volvens animo, quae dixerat illa:
Quis tamen est — reputo — qui levet auxilium
Magnanime cunctos, quos vexant ardua rerum,
Et qui quemque iuvet consilio placido,*

*Tu nisi, Vir Generose et Splendide? quem venerari
Pectora me cogunt, quae Tibi sunt dedita.
Non est, cur referam laudes, Tua facta loquuntur;
Non est, cur dicam, quam bene sis meritis
De patria, testatur enim incola quisque Budissae,
Testantur cuncti, qui quid agis videant.
Montes altisoni Tua facta sibi bona narrant,
Spreiadesque sonant laude Tuaque strepunt.
Accipias igitur bene, Vir summe Venerande,
Exiguum donum, quod dare non dubito,
Vt Tibi significem, quam sint mihi pectora grata;
Vt tester, quantum Te recolam ex animo
Virtutesque Tuas magnas, cunctis celebratas,
Candorem vitae, iustitiamque, fidem.
Fausta Tibi generique Tuo felicia quaevis
Eveniant, hoc est, quod peto mente pia;
Et velis animum mihi conservare benignum,
Quo dignus reddar, fortiter efficiam.*

P R A E F A T I O.

Fortassis mirum videtur, quod scribendi materiem elegerim, quae minus ad artem medicam faciendam spectet. Quare iam pauca hac de re dicere necessarium duco.

Magnum inter artis medicae cultores in eo videre licet dissensum, quid prae ceteris sit tractandum et addiscendum, ut artem feliciter quondam exerceant, quod igitur arti faciendae propius accedere, et quod ab ea remotius esse censeant. Sunt, qui Musas omnes ex arte medica expellere cupiant, in animum haud inducentes, Apollinem non artis solum medicae, sed omnium omnino artium bonarum et liberalium Deum esse. Cur enim artem salutarem dicimus Apollineam? Ex mea quidem sententia non eam solum ob causam, quod Apollo morbos hominibus immittere eosque iterum morbis liberare dicitur, sed simul ne, qui boni volunt esse medici, negligant, quod est humanitatis et ad artes spectat ingenuas. Summus Hippocrates, qui fere semper, quid verum sit et rectum, tenuisse videtur, optime dicit: *ἡτρός φιλόσοφος ἰσόθεος*. Et profecto non intel-

ligere isti videntur, quanta utilitas ex artibus bonis colendis in disciplinam redundet medicam, verbum commutantes cum re. Qui ex. gr. graeca tractant atque latina, id non vocum graecarum latinarumque causa faciunt, sed ut bene et recte cogitata, pulcre et concinne dicta, strenue et fortiter facta videant, ament animisque informent, ut igitur animum excolant, ingenium exacuant, ut, quae bona sunt atque honesta, ex aliorum spectent exemplis et ea sequantur. Profecto idem de nobis ista legentibus valet, quod Plutarchus Chaeronensis, dum vitas parallelas literis mandaret, dixit: se bonorum virorum vitam describendo indies meliorem evadere. Qui studio igitur, quod in artibus bonis colendis posuerunt, rite praeparati sunt, quodvis opus aliter aggrediuntur, ac illi, quorum animus non ita formatus est; quidquid enim dicunt vel agunt, speciem prae se fert, ut ita dicam, humanam et sublimem. In uniuscuiusque memoriam revocare mihi liceat Horatianum illud notissimum: Ingenuas didicisse fideliter artes, Emollit mores nec sinit esse feros.

Alios deinde vidi, qui disputandi argumentum vel ex physiologia, vel ex pathologia depromerent. At vero num ex. gr. disquisitiones physiologicae sublimiores magis ad medicinam exercendam faciant, quam morbi cuiusdam epidemici et quidem gravis-

simi maximamque edentis stragem descriptio, vix putaverim. Ingenue hic atque aperte profiteor, me ab eorum partibus non stare, qui sperant fore ut multos fructus ab istis disquisitionibus, omni saepius destitutis experientia, in arte medica facienda percipiant; quanquam ab altera parte mihi persuasissimum sit, sine physiologia vera neque pathologiam, neque iustam medendi rationem cogitari posse. Quare in disciplina nostra nec humi repere, nec coelum petere fas est; nam prius vermium est, alterum eorum, qui spiritu feruntur divino. Qui vero coelum appetit, caveat, ne sibi contingat quod Icaro, qui nomen dedit ponto.

Sed ut redeam, unde digressus sum. Quod apud animum meum constituerim, de peste verba facere, quae bello peloponnesiaco, praecipue Periclis aetate, Athenienses tam graviter afflixit eorumque vires fregit, quod — inquam — hac de re disse-
rere mihi proposuerim, amor me praeprimis excuset, quo Graecos amplexus sum, ex quo mihi contigit esse tam felici, ut eorum scripta secundum ingenii mei modulum intelligere, et dicta eorum factaque praeclara admirari possem. Vidi eos victores ad Marathona et Salamina, virtutes Aristidis et Phocionis animum mihi commoverunt, ut taceam, quantum singulis eorum poëtis vel scriptoribus debeam, nonne me, fidum amicum, decet ad miser-

rimam usque vitae conditionem eos prosequi, in quorum rebus secundis laetitia exultabam? Valde quidem commovemur adspectu mortis, cui hoc morbo correpti plerumque dati sunt, tam funesto atque horrendo! Sed sensibus nostris non obiici tantum possunt, quae blanda sunt et iucunda; adspectus talis potius ferendus est, ne, si simile quid nobis occurrat, turbemur et mentis constantia privemur, quam retineamus ad opem hominibus ferendam necesse est. Praeterea si uno quasi intuitu comprehendimus, quae hoc in orbe terrarum facta sunt, nec in singulis tantum haeremus, quibus homo vel gens (nam altiora petentibus et omnem omnino historiam simul complectentibus homo et gens unum idemque est) premitur, profecto ad aeternum quoddam atque divinum ducimur, quo omnes nituntur mutationes, quas vel terra vel animantes eam incolentes subierunt et subeunt. Quae quidem contemplatio mirifice animum extollit et efficit, ut humilia contemnamus et sublimia tendamus.

Neminem, me non monente, latebit, quibus ex fontibus morbi descriptionem hauserim. Sunt Thucydidis Peloponnesiaca, in quorum libro II do quilibet brevem et concinnam morbi historiam inveniet, et Car. Lucretii liber VI tus de rerum natura, qui Thucydidem presso sequitur pede. Serius in meam venit notitiam Theodosii Georgiadis, Daci,

Diss. de peste atheniensi, a Thucydide descripta.
Quid discriminis inter huius meamque intercedat
scriptiunculam, comparatio quemlibet doceat.

Pauca iam de ratione subiungenda sunt, quam
in peste Atheniensium describenda secutus sum.
Nonnullis primum de tempore, quo pestis regnavit,
praemissis, ad originem et causas morbi explican-
das transibo; quo facto morbum ipsum explanabo;
deinde docebo, quos ille habuerit exitus; tum
verba faciam, quo modo in mores hominum et
animos morbus egerit; cui pauca adiiciam de Periclis
morte et de Socrate, morbum pestilentem non ex-
perto; et denique dicam, qua ratione morbi, prae-
sertim pestilentes olim profligati sint, quid ad pestem
avertendam Athenienses fecerint, et quinam ipsis
tunc temporis opem tulerint medicam.

Ceterum nihil magis in votis habeo, quam ut
haec pauca Lectores benevole excipiant et saltem
animum spectent.

CAP. I.

Nonnulla de tempore, quo pestis Atheniensēs oppressit.

Si ulla unquam aetas fuit, quam iure meritoque auream dicimus, profecto eam hoc nomine dignam censebimus, qua Pericles summam rerum Athenis administravit.^{a)} Omnes artes excultae erant, quae usus praebent et vitam ornant; templa exstructa erant magnifica, in quibus, quidquid summorum artificum mens cogitaverat et finxerat, videre licuit; loca publica, in quibus vel conciones ad populum habitae sunt, vel ius dictum est, summis splenduerunt ornamentis; Pericles ipse, quaque potuit re, insignem tribuit patriae urbi splendorem. Quid enim Propylaeorum, quid Partheni, Odei, quid Poeciles, et quae reliqua sunt opera magnifica et praeclara, summam omnium admirationem excitantia, faciam mentionem? Quibus in operibus vel moliendis vel exornandis quam maxime ipsum Phidias adiuvit.^{b)} Nihil praeterea loquor de poëtis, nihil de philosophis, nihil de oratoribus, qui hac

a) v. PLUTARCH. in vit. Pericl. p. 159. (Ed. Francf.) ὃ δὲ (sc. Περικλῆς) πλείστην μὲν ἡδονὴν ταῖς Ἀθήναις καὶ νοσῶν ἤνεγκε, μεγίστην δὲ τοῖς ἄλλοις ἐκπληξιν ἀνθρώποις etc. Conf. MAX. TYR. Diss. XIII, p. 236 (Ed. Reiske) qui dicit urbem ἀκμαζούσῃν πλήθει ἀνδρῶν καὶ μεγέθει ἀρχῆς, καὶ δυνάμει χρημάτων καὶ εὐπορίᾳ στρατηγῶν, ὑπὸ Περικλῆϊ δυναστεύοντι.

b) v. PLUTARCH. in vit. Pericl. πάντα δὲ διέπει καὶ πάντων ἐπισκοπὸς ἦν αὐτῷ Φειδίας, καὶ τοὶ μεγάλοις ἀρχιτέκτονας ἔχόντων καὶ τεχνίας τῶν ἔργων. Est Iupiter Olympius, est Minerva, quibus immortalem Phidias ipse consecutus est gloriam.

floruerunt aetate et in omnium ore versantur. Quare hanc Periclis aetatem haud inepte cum Romanorum Augustea et Aegyptiorum aetate Ptolemaeorum comparare possumus, quamvis quaelibet aetas singulare quid prae se ferat, quo una ab altera facile distingui poterit.

Sed haec rerum facies prohi dolor! subito mutata est. Athenienses et Lacedaemonii invidia sese et odio persequuntur, quaelibet eorum civitas magnitudinem alterius et gloriam inique fert, alterique ut palmam praeripiat, omnes intendit vires; quare sibi invicem bellum inferunt, suorum agros depopulantur; omnia caede atque incendio devastant et ita suas ipsi frangunt vires. Marte ancipite bellum peloponnesiacum per XXVII annos gestum est. Qui eius fuerit eventus, neminem fugit historiae graecae aliquantisper peritum. Lacedaemonii principatum (*ἡγεμονίαν*), de quo inter se contenderant, obtinuerunt; et aliorum legibus parere Athenienses dira necessitas coegit. ^{a)}

Quae quidem pauca praemittere necessarium duxi, ut, quae sequuntur, melius intelligerentur, inprimis autem, ne ullum miseriae fugerent maximae, quibus Athenienses illo tempore pressi sunt.

Legimus in *Thucydidis* historia belli peloponnesiaci, pestem pluries plus minusve grassatam esse; Athenienses primum constanter animoque forti miserias tulisse; Peloponnesiis vero secunda vice in Atticam irrumpentibus, maloque

a) Graviter doluit *Pausanias* rem Graecorum bello peloponnesiaco labefactam, adeo ut in omnes maxime inveheretur, qui hoc in bello primas tenuissent vel virtute aliqua excelluissent, eos parricidas esse et prope demensores Graeciae, dicens. v. *PAUSAN. Graeci. Descript. Lib. VIII. p. 705* (Ed. Kuhn. Lips. 1696) *καὶ ἐν αὐτοῖς τοῖς καὶ ἐν ἑγγύτατα ποταμοῖς εἶναι ἀπὸς τῆς Ἑλλάδος.*

pestifero in urbem recurrente, animum eos despondisse et Pericli praecipue succensusse, quem istorum malorum auctorem habuerint, quod ipsos in urbe contineret nec contra hostem educeret.^{a)} Pericles vero eos adhortatus est, ne animos ablicerent et singulorum salutem reipublicae saluti anteponerent, in mentem simul revocans, proelium neutiquam terra ipsis ineundum esse, mari tantum pollutibus.^{b)}

CAP. II.

De origine et causis morbi pestilentis.

Teste *Thucydide*, malum in Aethiopia, ut fertur, exortum, in Libyam descendit et Aegyptum, magnam deinde regni Persarum partem peragravit, et derepente Athenis apparuit.^{c)} Eam fuisse pestis originem, *Galenus*^{d)} quoque, *Plutarchus*,^{e)} *Maximus Tyrius*^{f)} et *Ammianus Marcellinus*^{g)} testantur. Causam, cur in Aethiopia et Libya morbi

a) v. THUCYD. de bell. pelop. Vol. II. p. 86. (Ed. Bip. 1788.) conf. PLUTARCH. in vit. Pericl. p. 171. τοῦτο δ' αἴτιος ὁ (sc. Περικλῆς) τῷ πολέμῳ, τὸν ἀπὸ τῆς χώρας ὄχλον εἰς τὰ τεῖχη καταγέμενος καὶ πρὸς οὐδέν ἄνθρωποις τοσοῦτοις χρώμενος, ἀλλ' ἑὼν ὡς περ βοσκήματα καθεργόμενος, ἀναπλησθῆναι φθορᾶς ἀπὸ ἀλλήλων, καὶ μηδεμίαν μεταβολὴν μὴδ' ἀναψυχὴν ἐκπορῶν.

b) v. THUC. p. 87 πανταχόθεν τῇ γνώμῃ ἄποροι καθεστῶτες, ἐνέκειντο τῷ Περικλεῖ. ὁ δὲ — ἐβούλετο θαρσύναι — iam sequitur oratio egregia, quam Pericles habuit, ut culpa sese liberaret. Conf. PLUTARCH. in vit. Per. p. 170.

c) v. THUC. p. 71. Conf. LVCRET. de rer. nat. lib. VI. v. 1139 et seqq.

Nam penitus veniens Aegypti e finibus ortus,
Aëra permensus multum camposque natanteis,
Incubuit tandem populo Pandionis.

d) v. GALEN. de ther. ad Pison. T. II. p. 467 τὸν λοιμὸν ἐκείνον τὸν ἐκ τῆς Αἰθιοπίας εἰς τοὺς Ἕλληνας φθάσαντα.

e) v. PLUTARCH. de his, qui sero a num. puniunt. p. 558 κατὰ τὸ θαυμασιώτερον, εἰ πάθους ἐν Αἰθιοπία λαβόντος ἄρχην, ἀνεπλήροθαι αὐτὸν αἱ Αἰθῆραι.

f) MAX. TYR. Diss. XIII. p. 236 λοιμὸς ἐξ Αἰθιοπίας ὑφ' ἑαυτοῦ καὶ καταβὰς διὰ τῆς βασιλείας γῆς, καὶ τελευτήσας ἐκεῖ, καὶ ἰδρυθεὶς αὐτόθεν ἔφθειρε τὴν πόλιν.

g) AMM. MARCELL. Lib. XIX. c. 4. clades — ab usque ferventi Aethiopiae plaga paulatim proserpens Atticam occupavit. Auctor paulo ante Thucydidem attulit testem.

gignantur pestilentes, *Strabo* ^{a)} in *Geographiis*, *Posidonium* loquentem inducens, affert: raris enim parvisque fluminibus Libyam irrigari, quod de regionibus mediterraneis verius affirmari possit; cuius rei causam esse, quod in partibus septentrionalibus coelum pluvias non demittat, quemadmodum neque in Aethiopia; hinc saepe propter siccitatem pestes incidere et lacus coenosos fieri locustarumque existere copiam.

Pestem iam antea in multas incidisse regiones, ut in insulam Lemnū, *Thucydides* narrat. ^{b)} Morbus homines in Piraeo primum invasit, deinde in superiorem urbis partem migravit; ^{c)} quare veri est simile, navem contagio contaminatam in portum intravisse morbumque ita per urbem diffudisse. ^{d)} Atheniensibus nimirum e Sicilia et Aegypto frumentum advectum est, cum agri, quanto opus esset, non ferrent. ^{e)} Rumor ab initio, ut *Thucydides* refert, in vulgus sparsus erat, a Peloponnesiis venena puteis esse immissa. ^{f)}

a) *STRAB. Rer. geogr. Lib. XVII. p. 830* (Ed. Casaub.) conf. *AMM. MARCELL. Lib. XXII. c. 15.* Imbres enim apud Aethiopēs aut nunquam, aut per intervalla temporum longa cadere memorantur. *PROSP. ALF. Med. Aegypt. Lib. I. c. 15. 16.* *PLIN. H. N. Lib. XXXI. c. 29.* *CIC. de nat. deor. Lib. I. c. 36.* ubi ibes pestem ab Aegypto avertere memorantur, cum volucres angues consumant.

b) v. *THUC. p. 70.* καὶ πρότερον πολλαχόσε ἐγκατασκήψαι, καὶ περὶ Ἀθήνων καὶ ἐν ἄλλοις χωρίοις.

c) v. *THUC. p. 71.* καὶ τοιούτων ἐν τῷ Πειραιῇ ἤψατο τῶν ἀνθρώπων — ὕστερον δὲ καὶ ἐς τὴν ἀνω πόλιν ἀφίκετο.

d) Eandem tuctur sententiam *BARTHELEMY* in *Voy. du jeune Anach. T. I. p. 306* un vaisseau marchand l'introduisit sans doute au Pirée.

e) v. *DEMOSTH. adv. Lept. T. I. p. 460* (Ed. Reiske) *Commercium*, quod Athenienses cum Aegyptiis habuerunt, comprobant loca in *DEMOSTH. adv. Dionysod. p. 1284* οὐ βούλονται δαμνασθαι ἐπὶ τῇ νηί, ἐφ' ᾧ τε πλείους εἰς Αἴγυπτον, καὶ ἐξ Αἰγύπτου εἰς Ρόδον ἢ εἰς Ἀθήνας, p. 1293. Ἀθήνηθεν εἰς Αἴγυπτον καὶ ἐξ Αἰγύπτου Ἀθήνας.

f) v. *THUC. I. c.* καὶ ἐίχθη ἐπ' αὐτῶν, ὥς οἱ Πελοποννησίοι φάρμακα ἐξεβλήθησαν ἐς τὰ φρένα. Conf. *ARET. de caus. et sign. morb. ac. Lib. I. c. 7.* ubi eiusdem rumoris mentio fit. Bene cognovit auctor similitudinem, quam morbi habeant et medicamenta lethalia, his usus verbis: καὶ νοῦσοι φαρμάκοις δηλητηριοῖς ἐκείναι, καὶ ἀπὸ φαρμάκων ἐμέουσι, οἷα πυρετῶν εἶνεκα.

Quem quidem rûmorem falsum fuisse, nullus dubitabit, morbis, quos venena efficiunt, aliam prae se ferentibus naturam, quamvis multam habeant similitudinem. Longum foret, plura hac de re facere verba. Sunt vero exempla talis veneficii, quod obsessi experti sunt, ut ex oratione *Thessali*, filii Hippocratis magni, ad Athenienses patet. Cirrha nimirum, oppidum in Phocide haud procul a Delphis situm, ab Amphictyonibus hoc artificio capta est.^{a)} Narrat *Pausanias*, Nebrum hellebori radices in Plistum amnem coniecisse, unde Cirrhaei, qui aquam biberint, alvi profluvio vexati, urbis praesidia deserere coacti sint.^{b)}

Iam causae mali veniunt explicandae. Omnes graviores eventus, qui non admitterent interpretationem, diis ac daemónibus veteres adscripserunt. Et bene monet *Hippocrates*, homines ex imperitia et admiratione morbis divinam tribuere naturam et causam, ironice quasi subiungens: si divinum esse censemus, quod admirationem habet, multos futuros esse morbos sacros.^{c)} Quanquam vero rerum causae penitiores nos fugiant, in iis tamen eruendis segnes esse atque inertes dedecet, cum natura hominem ad causas indagandas ducat. Semper iuvabit tale quid invenisse, licet summo illo principio divino atque aeterno cuncta nitantur et sustententur.

a) v. *Orat. Thess.* (HIPP. *Oper. Sect. VIII.* p. 1291. Ed. Foës. Genève. 1657.) Νεβρός φαρμάκισιν ἐμίγη το ὕδωρ· ἐνθεν αἱ κοιλίαι τῶν Κιρσίων ἐφθάρησαν· καὶ μεγάλα δὴ τι ἐννεβάλετο πρὸς τὸ ἀλῶναι τὴν πόλιν.

b) PAUSAN. *Lib. X. c. 37.* ὁ δὲ τοῦ ἑλλεβόρου τὰς ῥίζας ἐμβαλὼν ἐς τὸν Πλῆστον· καὶ ἐνεφάρησαντο γὰρ αὐτὴν οἱ Κιρῆαιοι τοῦ ὕδατος, καὶ οἱ μὲν ἐπὶ ἀναστροφῆς διαφόρους ἐξέλιπον· τὴν προουρῶν. Conf. SPRENGEL *Vers. ein. pragm. Gesch. d. Med. T. I. p. 220.* Talis veneficii mentionem quoque facit BACON, *Hist. nat.* p. 950. ubi nomine aquae intoxicationis venit.

c) v. HIPP, *de morb. sacr. Sect. III.* p. 301. 19. εἰ δὲ διὰ τὸ θανάσιμον θεῖον νομίζεται, πολλὰ τὰ ἐπὶ νοσήματα ἔσται, καὶ οὐκ ἔν.

Constat inter omnes, morbos, praesertim qui more grassati sunt epidemico, ad Apollinem a Graecis relatos esse. Varia inde Apollo consecutus est cognomina, quae cum a morbis sumta sunt, quibus genus humanum infestavit, tum ab auxilio, quod invocatus hominibus tulit. Memoratu dignum videtur; veteres in uno eodemque posuisse deo morborum causam et curationem. Qui morbos provocare potest, iis quoque mederi posse arbitrati sunt. Sic Apollo ἀλσείκτορος ab Atheniensibus, ^{a)} ἐπικούριος a Phigaliis, ^{b)} λοιμὸς a Lindiis ^{c)} et παιῶν ab omnibus vocatus est, unde παιῶν-^{d)}hymnus in Apollinem, quem morbis grassantibus veteres cecinerunt; quod verbum ad alia deinde translatum est. Narrat *Strabo*, Milesios et Delios Apollinem vocare οὔλιον, utpote salutiferum et medicum; nam οὐλεῖν sanum esse, unde οὐλὴ (cicatrix) et οὐλῆ (salve). ^{e)} *Thucydides* scribit, Lacedaemonios oraculum delphicum consuluisse, num ipsis bellum contra Athenienses movendum esset; et deus respondisse dicitur: ipsos fore victores, si fortiter et strenue bellum gerant, seque ipsis auxilium esse laturum. ^{f)} Addit auctor noster, morbum statim grassari coepisse,

a) v. PAUSAN. Lib. I. c. 3. πρὸ δὲ τοῦ νεὼ τὸν μὲν Λεωχόρης, ὃν δὲ καλοῦσιν Ἀλσείκτορον, Κάλαμις ἐποίησε· τὸ δὲ ὄνομα τῷ θεῷ γενέσθαι λέγουσιν, ὅτι τῇν λοιμὸν δὴ σφίσι νόσον ὁμοῦ τῷ Πελοποννησίῳ πολέμῳ πύξουσιν κατὰ μάντευμα ἔκρινε Λελῶν.

b) v. PAUSAN. Lib. VIII. c. 41.

c) v. MACROB. *Saturn.* Lib. I. c. 17. ubi varia extant Apollinis cognomina, ratione etymologica spectata. Conf. SPRENGEL *Gesch.* p. 125 et sqq. et LE CLERC *Hist. de la méd.* Lib. 1. c. 8. p. 18 et sqq.

d) v. ETYM. M. sub voce παιῶν — ὕμνος ᾧδῆς ἐπὶ ἀφείσει λοιμοῦ ἀδόμητος — οὕτω γὰρ ἡδῶς αὐτοὺς τῷ Ἀπόλλωνι καὶ τῇ Ἀρτέμιδι προσέφερον, ὥς αἰτίοις τῶν λοιμικῶν παθόν.

e) v. STRABO Lib. XIV. p. 635.

f) v. THUC. p. 82. κατὰ κράτος πολεμοῦσι νῆαυιν ἔσεσθαι, καὶ αὐτὸς ἐκλήψεσθαι.

simulae Peloponnesii in Atticam irrupissent; unde cognovissent, Apollinem promisso stetisse ipsisque subvenire. Athenienses quoque, cum peste premerentur, carmen, quoddam in memoriam revocasse dicuntur, quod ipsis a maioribus traditum erat; et illo primum tempore intellexerunt, qui sensus in illo lateat. ^{a)} *Diodorus Siculus* quoque memoriae prodidit, Athenienses mali tam atrociter grassantis causas numini attribuisse. ^{b)}

Nexum quisque novit, quo Apollini Solem Dianaeque Lunam veteres iunxerunt, quamvis Apollinem a Sole distinguerent. Unde iam Soli et Lunae potestatem tribuerunt, aëris temperandi et pestilentias hominibus immittendi. ^{c)} Aegyptios morbos pestilentes ad Solem retulisse, pariter notum

a) v. THYR. p. 81. Carmen est:

Ἡ εἰς Δωριανὸς πόλεμος καὶ λοιμὸς ἄμ' αὐτῷ

Altercationem nimirum fuisse dicunt, num in carmine λοιμὸς (pestis), an λιμὸς (fames) significatus sit. Evicit iam pestis tempore sententia eorum, qui statuebant, λοιμὸν indicatum esse. Forsan utrumque, λοιμὸς et λιμὸς, valere potest, cum Athenienses malo utroque afflicti fuerint et famem pestis insecuta sit, quanquam alterum pro malo atrociori habendum sit. Conf. *Etyim. M.* sub voce λοιμὸς — γίνεται γὰρ παρὰ τὸ λεπὴν λοιπὸς καὶ λοιμὸς ἢ φθορά — ἢ παρὰ τὸ λιμὸς· λιμὸς μὲν ἔστιν ἐνδεία σίτου, λοιμὸς δὲ ἐνδεία σωμάτων.

b) v. DIOD. SIC. *Bibl. hist.* T. I. p. 517. Ἀθηναῖοι διὰ τὴν ὑπερβολὴν τῆς νόσου τὰς αἰτίας τῆς συμφορᾶς ἐπὶ τὸ θεῖον ἀνέπεμπον. Varie τὸ θεῖον in medicorum scriptis accipitur, ut modo numen, naturam divinam denotet, quae rerum humanarum praecipua causa est; modo id significet, cuius causam neque sensu, neque cogitatione assequi possumus; modo aëris nos ambientis conditionem (τὴν τοῦ περιέχοντος ἡμῶς αἰθέρος κατάστασιν) indicet. *Diodorum Siculum* hoc in loco numen intellexisse, quod in rebus humanis principatum teneat, inde elucescit, quod statim lustrationis et expiationis mentionem faciat.

Addere mihi hic liceat, Romanos quoque Febrem coluisse, utpote saepius ipsis damnum inferentem, cum paludes Pontinae prope Pometiam pestiferum exhalarant aërem (v. CIC. de nat. deor. Lib. III. c. 25.) *Mephitis* templum Cremonae ante moenia exstructum fuisse, Tacitus memoriae prodit. (v. *Histor. Lib. III. c. 35. versus finem*).

c) v. STRAB. p. 635. καὶ ὁ Πίος δὲ καὶ ἡ Σιλήνη συνοικοῦνται τοῦτοις (sc. Apollini et Dianae) ὅτι τε περὶ τοὺς ἀέρας εὐκρασίας αἰτίοι, καὶ τὰ λοιμικὰ τε πάθη — τοῦτοις ἀνάπτουσι τοῖς θεοῖς.

est. ^{a)} Quā quidem via ad naturales paulatim ducimur causas.

Nullas *Thucydides* in specie affert causas, quibus pestilentia originem debuerit. In libro Imo, ubi de belli peloponnesiaci magnitudine et de damnis verba facit, quae inde toti Graeciae illata sint, terrae motus commemorat, solis defectus, magnas siccitates famesque exinde natas. Quam vim terrae motus habeant et solis defectus in morbis vulgaribus gignendis, nondum certo liquet.

Lucretius, alter auctor gravissimus, quem hic sequi debemus, in universum de ratione loquitur, qua morbi nascentur populares. Dicit, semina morbi in aëre generari, inde latius diffundi atque in varias migrare regiones, quae iis corrumpantur; hunc morbi fomitem aut cum aquis communicari, aut fruges infestare, quibus homines vesci soleant, aut aëri inhaerere, ubi spiritu, quem ducimus, in corpus nostrum intret. ^{b)}

Omnium maxime *Diodorus Siculus* causas morbi pestilentis exposuit. Narrat, magnam imbrium vim de coelo per hyemem decidisse, inde multas exortas esse aquas stagnantes; quae cum aestatis insequentis calore ferverent et in putredinem abirent, aër vicinus depravatus est. ^{c)} Ob nimias pluvias fruges quoque damnum acceperunt, unde nutrimenta cor-

^{a)} v. CLEM. ALEX. *Strom.* Lib. V. p. 576. αὐτὰ τὰς λοιμικὰς νόσους Ἡλιὸς ἀντιθέσθαι (sc. Aegyptii).

^{b)} v. LVCR. v. 1117 - 1135. Conf. OVID. *Metam.* Lib. VII. v. 528 et sqq.

^{c)} DIOD. SIC. l. c. Maxime convenit cum Diodori descriptione coeli, cui pestis Atheniensium originem debuerit, Hippocratis expositio constitutionis pestilentis. V. HIPPOCR. *de morb. vulg.* Lib. III. Sect. VII. p. 1081. sub titulo: κατὰστασις λοιμώδης; ubi commemorantur: ἕως νότιον, ἐπὶ βορρῆον — ἐν νοτίῳσι ὕδατα πολλὰ — χειμῶν νότιος, ἔγρος, μιλανός. Conf. AET. Lib. III. 162. p. 61. (Ed. Ald. 1534.) PAVL. AEGIN. Lib. I. c. 49. p. 13. (Ed. Basil. 1538.) AET. l. c. p. 91. ἔστι δὲ οὗτο ὑγρότερος καὶ θερμότερος ὁ περικύων ἡμῶς ἀπὸ γιγνόμενος, λοιμὸς κατὰστασιν φέρεται. AMB. MARCELL. Lib. XIX. c. 4.

rupta sunt. Idem habet *Diodorus Siculus* in eo loco, ubi de Rhodiorum peste agit.^{a)} *Flavius Iosephus* causas recensens, quæ morbum popularem in Iudaea et Syria, Herode imperante, induxerint, refert, magnas fuisse siccitates, inde terræ sterilitatem natam esse, adeo ut ne illae quidem fruges provenirent, quas terra alias sponte ferret; victus vero ratione ob inopiam mutata, corpora labem contraxisse et morbum ita exortum esse pestilentem.^{b)} Quantum alimenta valeant ad morbos gignendos, *Herodotus* quoque dicit, ubi de Aegyptiorum ratione sanitatem tuendi agit.^{c)} *Diodorus Siculus* tertiam affert pestis causam, quod Etesiae illo tempore non spiravissent, quorum flatu nimius aëris fervor temperaretur.^{d)} Addit *Diodorus*, calores corporis magnos, quibus aegroti discruciatii sint, a coeli fervore pependisse. Quod quidem

a) v. DION. SIC. Lib. V. p. 528. διὰ μὲν γὰρ τὰς ἐπομβρίας ἐπὶ πολλοὺς χρόνους ἐφθαρμένον τῶν καρπῶν, σπάνις τε τῶν ἐπιτηδείων ὑπῆρχε, καὶ λοιμικὴ κατὰστρεψις ἐπέλγε τὰς πόλεις διὰ τὴν τοῦ αἵματος φθορὰν.

b) v. FLAV. IOSEPH. *Antiq. iud.* Lib. XV. c. 9. Πρώτον μὲν αἰχμοὶ διηρεκέως ἐγίνοντο, καὶ διὰ τὸ τοιοῦτον ἀκαρπὸς ἡ γῆ — ἐπειτα δὲ τῆς διαλῆτης κατὰ τὴν ἐνδομῶν τῶν σιτῶν ἐκκατατρεμμένης, νόσοι τῶν σωμάτων καὶ πάθος ἤδη λοιμικὸν ἐκράτει. Conf. PAUL. AEG. p. 44. κοινὰ τε οὖν ἰδέσματα ποικίλῃ αἰκίᾳ τοιαῦτα νοσήματα κοινὰ. AET. p. 91. τῷ δὲ εἶναι τοὺς ἐν τῷ σώματι χυμοὺς ἐκ μοχθηρῆς διαλῆτης εἰς ὁψὲν ἐπιτηδείους, ἀρχὴ τοῦ λοιμώδους γίνεσθαι πυρετοῦ.

c) v. HEROD. *Hist.* Lib. II. p. 159. (Ed. Wessel.) νομίζοντες (sc. Ἀγύπτιοι) ἀπὸ τῶν τρεφόντων σιτῶν πάσας τὰς νόσους τοῖσι ἀνθρώποισι γίνεσθαι.

d) v. DION. SIC. l. c. τὸ μὴ πνεῖσαι τοὺς ἐτησίους, δι' ὃν αἰὲ κατὰ τὸ θέρος ψύχεται τὸ πολὺ τοῦ καύματος. Hippocrates in constitutione pestilenti, cuius antea memini, his utitur verbis: ἢ ἤδη νότιον ἀπρον — θέρος αἰθριον θεμεῖον, πύρετα μεγάλα ἐτησίᾳ γε οὐμικρὰ διεσπασμένως ἐπνευσαν. Conf. eundem in *Aphor.* Lib. III. Sect. VII. Aphor. 7. p. 1247. ubi dicit: ἐν τοῖσιν αἰχμοῖσι πυρετοὶ ὅσους γίνονται. GALEN. in *Hipp. Lib. III. Epid.* Comm. III. p. 419. γίνεται δὲ τοῦτο (sc. πυρετός), μήτε τῶν προσδρόμων καλομένων πνευσάντων, μήτε τῶν ἐπομένων αὐτοῖς, οὐς καλοῦσιν ἐτησίους. AMN. MARCELL. l. c. Etesias nimius temperare calores, vid. CIC. de nat. deor. Lib. II. c. 53. BACON. in *Hist. nat.* p. 835. relicit eorum opinionem, qui amos calidos et humidos pesti generandae favere contendunt. Angliæ exemplum affert, ubi per multas aestates, quæ siccitate fuerint conspicuae, pestis regnaverit; et causam his verbis adiecit: quod siccitas in corporibus insularum, humido aëri assuetis, exasperet humores magisque ad putrefactionem inclinet et inflammationem.

non ita intelligendum est, aërem fervidum in corpora transisse
 etque calefecisse, quemadmodum corpora, quae sensu pri-
 vata sunt et motu, solis fervore tepefieri videmus; calorem
 potius corporum aegrorum putridum, ad quem provocandum
 aëris fervores praeter reliquas causas multum contulerunt, hic
 accipiendum esse, perspicuum est.

Quae quidem causae in genere sunt, unde morbus pesti-
 lens ortum duxit. Iam quaedam singulatim veniunt conside-
 randae. Rustici in urbem confluxerunt suasque res in eam
 comportarunt,^{a)} ut se tuerentur et opes, quae nondum in
 hostium potestatem venerant; quod quidem Pericle suadente
 factum esse, antea monuimus. Cum aedes deficerent, tecta
 angusta squaloreque plena, ad quae aëri nullus fere patuerit
 aditus, habitanda ipsis fuisse, praeter *Thucydidem*^{b)} *Plu-
 tarchus*^{c)} et *Diodorus Siculus*^{d)} testantur. Qui vel iis
 caruerunt, tabernacula incoluerunt, quae in viis sibi posuerant
 atque in templis. Rustici igitur vivendi rationem ineuntes
 antecedenti contrariam, in morbum pestilentem necessario

a) v. THUC. p. 78. ἐπέσει δ' αὐτοὺς μᾶλλον — καὶ ἡ ξυγκομιδὴ ἐκ τῶν ἀγρῶν ἐς
 τὸ ὕστν καὶ οὐχ ἥσον τοὺς ἐπιελθόντας. Conf. LVCR. v. 1250 et sqq.

b) v. THUC. l. c. οἰκῶν γὰρ οὐχ ὑπαρχουσῶν, ἀλλ' ἐν καλύβαις πνιγρῆς ὥρῃ
 ζῶνς διατομένων etc. LVCR. v. 1260 et sqq.

Omnia complebant loca tectaque, quo magis aestu
 Confectos ita acervatim mors accumulabat.

c) v. PLUT. in vit. PER. p. 172. ὥς τὴν μὲν νόσον ἢ τοῦ χωρικοῦ πλήθους ἐς
 τὸ ὕστν συμφορῆσις ἐργάζεται, θέρους ὥρῃ πολλῶν δημοῦ χύδην ἐν οἰκήμασι μικροῖς
 καὶ σκηνώμασι πνιγρῆς ἡνικαυμένων διαιτῶσθαι διαταγὰν οἰκουρὸν καὶ ἀργὸν ἀντὶ
 καθαρῶς καὶ ἀναπεπταμένης τῆς πρότερον.

d) v. DION. SIC. l. c. πολλοὺ γὰρ πλήθους καὶ παντοδαποῦ συνεθρονηκότος ἐς
 τὴν πόλιν διὰ τὴν στενοχωρίαν εὐλόγως ἐς νόσους ἐπιπτον, ἔλκοντες αἶρα διεφθα-
 μένον. Quare in ORIBAS. MED. SOPHIST. Praecept. diæt. Ed. Grun. p. 15. prae-
 ceptum extat quod sequitur:

Κατοικίας ἐκκλίνε δυσωδεστέρας,

Αἰὶ δὲ καὶ μάλιστα καύματος χρόνῳ.

inciderunt; quod praeter *Plutarchum*^{a)} et *Paulus Aegineta* comprobat, qui molestias modum excedentes et labores, cui consuevimus, intermissos talium morborum causas accusat.^{b)} Ut morbus praeterea latius diffunderetur, multum fecerunt mortuorum cadavera, quae insepulta huc et illuc iacuerunt.^{c)} Magni denique momenti in malo vel provocando vel adaugendo fuerunt omnium animi curis vexati et anxietate; quantam enim eae habeant vim, Socratis exemplum, morbum pestilentem non experti, docet. Quae cum ita sese haberent, morbum in urbe exoriri pestilentem necesse erat, omnibus causis, quas vel occasio affert, vel quae in hominum corporibus latent, ad eum gignendum conspirantibus.

C A P. III.

Descriptio febris pestilentis.

Morbum nominavi pestem, quod scriptores graeci atque latini, qui de eo retulerunt, hoc nomine eum insigniunt; quare non est, cur moneam, hic pestem neque orientalem, neque occidentalem intelligendam esse, quas κατ' ἐξοχὴν pestes vocamus, quanquam in iis multa deprehendantur, in quibus Atheniensium pestis cum illis convenit. Morbum fuisse popularem, id prae ceteris docet, quod illo tempore alii morbi non regnaverint; si qui vero exorti sunt, in epidemicum se converterunt, qui in suam eos redegit ditionem.^{d)}

a) Vid. locum, quem modo laudavi.

b) v. PAUL. AEGIN. p. 44. ταλαιπωρεῖται τε ἄνθρωποι καὶ πόνοι συνήθειοι ἐκλείπειν τε.

c) v. AMM. MARCELL. l. c. AETIVS quoque (v. p. 91.) mortuorum multitudinem, quam in bellis videre liceat, aëris corrupti et putridi morborumque inde oriundorum causam esse, testatus est. Indolis peioris aërem esse, peste defunctorum corporibus in putredinem abeuntibus, quisque videt.

d) v. THUC. p. 72. τὸ μὲν γὰρ ἔτος, ὡς ὁμολογεῖτο, ἐν πάντων μάλιστα δὴ

Naturam malum induisse contagiosam, ex historia morbi et causis patet. Sunt quoque loca *Thucydidis* singula, quae idem comprobant. Ita memoriae mandat, morbo bis eundem non correptum esse; ^{a)} quod in aliis quoque morbis a contagio pendentibus animadvertimus, quanquam adsint exempla, hominem eidem malo contagioso bis vel pluries fuisse obnoxium. Alterum deinde ex alterius curatione contagium hausisse dicit, adeo ut homines tanquam pecudes interirent; ^{b)} et adiicit: hanc fuisse praecipuam stragis causam; si enim metu deterriti se invisere noluerunt, deserti interierunt, et ita propter hominum inopiam, qui aegrotos curarent, multae exhaustae sunt familiae; si vero se invicem adierunt, pariter mortem obierunt: quod praeprimis in eos cecidit, qui opis ferendae causa in amicorum aedes ingressi sunt, ne officia humanitatis violasse amicitiamque deseruisse viderentur. ^{c)} Quae plane cum iis consentiunt, quae alio in loco auctor noster commemorat: nullam enim aegrotorum curam, ut servarentur, valuisse; alios incuria mortuos esse, alios vel diligentissime curatos. Naturam mali contagiosam imprimis quae sequuntur, probant. Agnon et Cleopompus, Periclis in praetura collegae (*ξυστρατήγοι*), Chalcidensibus et Potidaeae, quae iam obsidione tenebatur, bel-

ἐκείνω ἄρσον, ἐς τὰς ἄλλας ἀσθενείας ἐνύχχανεν ὃν. εἰ δέ τις προέκασμεν τι, ἐς τοῦτο πάντα ἀπεκρίθη.

et p. 76. καὶ ἄλλο (sc. νόσημα) παρελύπει κατ' ἐκείνον τὸν χρόνον οὐδὲν τῶν εἰωθότων· ὃ δὲ καὶ γένοιτο, ἐς τοῦτο ἐτελεύτα. Conf. PAVL. AEGIN. p. 44. πανδημους καὶ κοινὰς νόσους τὰς πολλοῖς ἅμα συμπιπτούσας ὀνομαζούσιν, ὡν ὥσπερ ἡ γένεσις, οὕτω καὶ ἡ αἰτία κοινὴ. AET. AMID. Lib. V. 95. p. 91. AMM. MARCELL. Lib. XIX. c. 4. versus finem.

a) v. THUC. p. 78. δις γὰρ τὸν αὐτὸν, ὥστε καὶ κτείνειν, οὐκ ἐπιλάμβανε.

b) v. THUC. p. 77. ὅτι ἕτερος ἀφ' ἑτέρου, θεραπεύας ἀνταμιπλάμενοι, ὥσπερ τὰ πρόβατα, ἔθνησκον. Conf. PLUT. in vit. PER. l. c.

c) v. THUC. l. c. εἴτε προσέειπεν, διεφθείροντο· καὶ μάλιστα οἱ ἀρετῆς τι μεταποιούμενοι.

lum intulerunt. Sed neque urbis expugnatio, neque aliud quidpiam ipsis successit; morbus enim Atheniensibus superveniens tam graviter eos afflixit, ut priores quoque milites, qui bene antea valuerant, ex copiarum contagio, quas Agnon adduxerat, in morbum inciderent et ita perirent. ^{a)}

In morbi descriptione ita versaturus sum, ut meram proponam eius historiam, et longiores tantum singulorum symptomatum explicationes admittam, quantum ad obscuriora dilucidanda necessarium videtur; nemo igitur expositiones malinologicas expectet, quas aliis lubenter relinquo. Ceterum *Thucydidem* et *Lucretium*, uti iam monui, plane secutus sum, quos semper quoque laudavi, ut quisque videret, me fidem observasse historicam. ^{b)} Omnium optime vero *Thucydides* de morbo scribere potuit, cum ipse peste fuerit correptus et alios ea laborantes viderit. ^{c)}

Morbus in singulis corporis partibus occupandis ordinem quendam servavit, ita ut a vertice inciperet et ad calcem usque descenderet. ^{d)} Inter gravissima eius signa, quae ab initio in aegrotis animadvertere licuit, illud referendum erat, quod unusquisque, simulac se malo correptum sentiret, statim abiecto esset animo atque demisso, et de salute recuperanda plane desperaret. ^{e)}

^{a)} v. Thvc. p. 86. ὅστε καὶ τοὺς προτέρους στρατιώτας νοσήσαι τῶν Ἀθηναίων ἀπὸ τῆς ἐν Ἀγρονι στρατίας, ἐν τῇ πρὸ τοῦ χρόνῳ ὑγαινοντας.

^{b)} Brevem morbi adumbrationem quisque inveniet apud BARTHÉLÉMY in *Voyage du jeune Anacharsis* T. I. p. 306 et sqq.

^{c)} v. Thvc. p. 72. ἐγὼ δὲ οἶόν τε ἐγίγνετο — δηλώσω, αὐτὸς πε νοσήσας, καὶ αὐτὸς ἰδὼν ἄλλους πάσχοντας.

^{d)} v. Thvc. p. 74. διεξήεν γὰρ διὰ παντὸς τοῦ σώματος ἀνωθεν ἀφ' ἑξάμενον τὸ ἐν τῇ κεφαλῇ πρῶτον ἰδρυθὲν κακόν.

^{e)} v. Thvc. p. 77. δεινότερον — ἢ τε ἄθυμια, ὁπότε τις ἀσθενεῖ καμῶν etc. Lvcra. v. 1228 et sqq. ita expressit:

Primum vehementes caput occupant calores, et oculi inflammatione tentantur. ^{a)} Quam oculorum inflammationem fuisse gravissimam, exitus eius praeprimis docet; in nonnullis nimirum, qui morbum feliciter superaverant, plena visus abolitio hanc ophthalmiam secuta est. ^{b)} Fauces et lingua cruentae sunt, ^{c)} aegri linguam asperam vix ore movere possunt, ita ut loquela intercepta sit; ^{d)} *Lucretius* addit, dictas partes ulceribus fuisse obsitas, quorum *Thucydides* nullam facit mentionem. ^{e)} Aegri halitum emittunt tetrum, graveolentem et cadaveris odorem spirantem. ^{f)} Accedunt sternutatio vocisque raucitas, et pectore in mali societatem vocato, tussis vehementens aegrotos divexat. ^{g)} Si morbi vis ad ventriculum sese convertit, bilis eiectiones, ingenti stipatae cruciatu, exoriantur.

*Illud in his rebus miserandum et magnopere unum
Aerumnabile erat, quod, ubi se quisque videbat
Implicitum morbo, morti damnatus ut esset,
Deficiens animo, moesto cum corde iacebat.*

Tales animi in morbis abiectiones bene quoque *Hippocrates* observavit; vid. *Hipp. de morb. vulg.* Lib. V. Sect. VII. p. 1160. B. καὶ πρότερον ἐν ἐπιπλοῶν ἁθρομίαι καὶ ἀπυλλυγῆς βίον ἐπιθυμῆ. Conf. *de morb. vulgar.* Lib. VII. Sect. VII. p. 1233. H.

a) v. *Thuc.* p. 72. *Lycr.* v. 1143. et sqq.

b) v. *Thuc.* p. 75. *Lycr.* v. 1209.

c) v. *Thuc.* p. 73. καὶ τὰ ἐν τῷ, ἥτε φάρυγξ καὶ ἡ γλῶσσα, εὐθὺς αἰματώδη ἦν. Quid voce „φάρυγξ“ subintelligendum sit, vid. *GALEN.* *de loc. aff.* Lib. IV. p. 238. 2. φάρυγγα ὀνομάζω τὴν ἔσθον τοῦ στόματος χώραν, εἰς ἣν ἀνήκει τότε τοῦ στομάχου καὶ τὸ τοῦ φάρυγγος μέρος.

d) Quo modo *Lucretius* illum *Thucydidis* locum expresserit, vid. v. 1143 et sqq.

e) v. *Lycr.* v. 1146. *Ulcibus vocis via septa coibat* Conf. *Aer.* p. 91. ubi inter pestis symptomata enumerantur πορνῆά ἐκκινῆ ἐν παρισθμιόσις.

f) v. *Thuc.* p. 73. καὶ πνεῦμα ἄτοπον καὶ δυσώδες ἦεν. *Lycr.* v. 1152. et sqq. *Spiritus ore foras tetrumolvebat odorem, Rancida quo perolent projecta cadavera ritu.*

g) v. *Thuc.* l. c. κεντα — παρμὸς καὶ βράγχος περιγίνετο καὶ ἐν οὐ πολλῷ χρόνῳ κατέβαιναν ἐς τὰ στήθη ὁ πόνος μετὰ βηχὸς ἰσχυροῦ. Verbum „πόνος“ Graecis significat laborem et dolorem — vid. *Cic. Tusc.* II. c. 14. ubi Graecos irridet quasi verborum inopia laborantes. Habet *Schol.* ad hunc locum: πόνον λέγει τὴν ἐκ τοῦ νοσήματος τυλαμωρίαν, *Lycr.* v. 1187.

tur. ^{a)} Plerosque singultus tentant inanes, qui convulsiones adducunt vehementes et modo brevi cessant, modo longius perdurant. ^{b)} Superficies corporis neque admodum calida, neque pallida, sed subrubra est, livida, pustulis et ulceribus oblecta. ^{c)} Quo magis vero cutis collapsa et tepida visa est, eo intensius interiora calent et dolent, ut ne minimum quidem attactum aegroti ferant, nec ullum corpori imponi stragulum seu vestimentum vel tenuissimum patiantur; quare nihil magis

^{a)} v. THVC. I. c. ὁπότε ἐς τὴν καρδίαν στήλῃ (sc. ὁ πόνος) ἀνέστρεφε τε αὐτὴν, καὶ ἀποκαθάρσις χολῆς — ἐπῆσαν; καὶ ἀδραὶ μετὰ ταλαιπωρίας πύλης, Quid καρδία sit, exponit Schol. οἱ παλαιοὶ ἰατροὶ τὸν στήμαζον καρδίαν ἐκάλουν, καὶ καρδιωγμὸν τὸν πόνον τοῦ στομάχου. Conf. GALEN. in Hipp. Progn. Comm. III. p. 162. ubi hunc Thucydidis locum assertit et interpretatur: τὸ ἀνέστρεφεν ἐπὶ τῆς πρὸς ἔμειον ὁρμῆς εἶπε (sc. ὁ Θουκυδίδης) i. e. illud ἀνέστρεφεν ad vomitum dixit. Conf. Aët. I. c. ubi commemorantur χολῆς ἔμετοι. LVCA. v. 1150. ita vertit locum:

Morbida vis in cor moestum confluxerat aegris.

PETR. VICTOR. Var. Lect. Lib. XXVIII. c. 17. Lucretium reprehendit, quod καρδίαν per „cor“ venterit; sed Thucydidem Lucretium imitatus est.

^{b)} v. THVC. I. c. λῦγξ τε πλεοσύν ἐνέπαιτε κενή etc. Quem locum ita Lucretius exposuit v. 1158.

Singultusque frequens noctem persaepe diemque

Conripere assidue nervos etc.

Voluit Lambinus, auctoritate Lucretii ductus, loco „κενή“ ponere πικρή (frequens); sed secundum Hippocratem singultus vel plenus vel inanis est i. e. quo humores vomitu aut reiciuntur, aut non reiciuntur. Vid. Hipp. Aph. r. Lib. VI. Sect. VII. 39. p. 1257. σπασμοὶ γίνονται ἢ ἀπὸ πληρώσεως ἢ κενώσεως, οὕτω δὲ καὶ λυγμὸς. Quare Schol. ad hunc locum dicit: ἔστι γὰρ καὶ λῦγξ πλήρης, ὥς καὶ ἵπποκράτης διδάσκει. Conf. GALEN. in Hipp. Libr. de rat. vict. in morb. ac. Comm. IV. p. 105. 54. τὰς λῦγγας εἰσάγει καὶ λυγγοῦς ὀνομάζειν· εἰσὶ δὲ κινήσεις πλεῖς τοῦ στομάχου σπασμώδεις· γίνεσθαι δὲ φασὶ δὲ ἄμετρον κένωσιν ἢ πληρώσιν.

^{c)} v. THVC. I. c. σῶμα ᾗν — ὑπερθερὸν, πελιδνόν, φλυκταίνιαις μικραῖς καὶ ἑλακοῖν ἐξηγητὸς. Schol. ad vocem „πελιδνόν“ dicit: ἔστι τὸ μετέχον ὀχρότητος καὶ μελανίας, οἷον μολυβδοειδές. Conf. HESYCH. sub voce „πελιδνόν“ et GALEN. in Hipp. Libr. de fract. Comm. II. p. 548. 41. Veteribus ἕλκος fere idem fuisse ac nobis, docet locus apud GALEN. de diff. morbor. Lib. I. p. 204. 24. ἕλκος — ἡ τῆς συνεχέως λύσεως κατὰ τὰ σαρκώδη πάντα i. e. solutio continui in omni carne. Astius ulcera quoque commemorat maligna, quae in peste laborantibus exoriri solent, ut supra ex parte vidimus — vid. eum I. c. καὶ ἄλλα δὲ ποικιλὰ ἕλη καὶ ἀνορθακώδη καὶ πίνδεντα γένοιντο ἂν ἐν λοιμῷ κατὰ τὸ ἄλλο σῶμα, καὶ ἐν προσώπῳ etc.

exoptant, quam corpore decumbere nudo. ^{a)} Ob magnum corporis aestum internum multi sese in aquas dant praecipites, ut fervores nimios temperent; et qui aegrotorum incuriosius habentur, in puteos se deliciunt. ^{b)} Tanta enim miseros discruciat sitis, ut nullis compesci possit remediis et largior potus perinde sit ac parcior. ^{c)} Aegrotis, cum fervores interni et ingentes anxietates eos exerceant, nulla conceditur quies perpetuaeque eos vexant vigiliae. ^{d)} Addit *Thucydides*, mirum esse visum, quod corpus morbo vigente non languisset, et tantis cruciatibus tam fortiter restitisset; quo quidem dicto haud dubie mali vehementiam inauditam atrocitatemque significare vult. ^{e)}

^{a)} v. *Thuc.* l. c. τὰ δ' ἐντός οὕτως ἐκαίετο, ὥστε μήτε τῶν πάνυ λεπτῶν ἐμα-
τιῶν καὶ οὐδόνων τὰς εἰσβολὰς, μήτε ἄλλο τι ἢ γυμνὸν ἀνεχέσθαι — *Lycr.* v. 1166
et sqq. *Conf. Ovid. Metam.* Lib. VII. ubi a v. 523. pestis descriptio extat, v. 558.

Non stratum, non ulla pati velamina possunt.
Quam iustine calores interni et frigora externa, praesertim partium extremarum,
inter se cohaereant, infra videbimus.

^{b)} v. *Thuc.* p. 74. ἡδιστά τε ἀν ἐς ἴδωρ ψυχρὸν σπᾶς αὐτοὺς ἐλάττω καὶ πολ-
λοὶ τοῦτο τῶν ἡμελημένων καὶ ἰδρασιαν εἰ; φρέατα, ἀπαύστῳ τῇ δέφῃ ἐνεχόμενοι.
Conf. Diod. Sic. Bibl. hist. p. 517. οἱ πλείστοι τῶν νοσούντων ἰψήκτων ἑαυτοὺς εἰς
τὰ φρέατα καὶ τὰς κρήνας, ἐκιδυμούντες αὐτῶν καταπύδουσι τὰ σώματα. *Liceat mihi*
Lucretii versus (1170 et sqq.) hic addere:

In fluvios partim gelidos ardentia morbo
Membra dabant, nudum iacentes corpus in undas.
Multi praecipites lymphis putealibus alie
Inciderunt, ipso venientes ore patente.

Si quis *Ovidium* audire cupiat, poetam in describendo copiosissimum nec non ve-
hementem, ipsam videat l. c. v. 568 et sqq.

^{c)} v. *Thuc.* l. c. καὶ ἐν τῷ ὁμοίῳ καθυστήκει τὸ τε πλεόν καὶ ἑλασσον ποτόν.
Conf. Lycr. v. 1174 et sqq.

^{d)} v. *Thuc.* l. c. καὶ ἡ ἀπορία τοῦ μὴ ἡσυχάζειν καὶ ἡ ἀγρυπνία ἐπέκειτο δια-
πύκνως. *Lycr.* v. 1176 et sqq.

Nec requies erat ulla mali, defessa iacebant Corpora —
Quippe patentia quon totas ardentia nocteis
Lumina versarent, oculorum expertia somno.

^{e)} v. *Thuc.* l. c. Addendum est, quod de *Lucretii* descriptione pestis plura
extant in *Macrobi. Saturn.* Lib. VI. c. 2. quo in loco auctor evincere conatur, *Vir-*
gilium in peste describenda *Lucretium* secutum esse. Pestem, qua pecudes cor-
reptae sunt, *Virgilius* descripsit *Georg.* III. v. 446 et sqq.

Quae quidem esset nuda febris pestilentis historia. *Lucretius* nonnulla subiungit, quae maxima ex parte ex *Hippocratis Prorrheticis* sumta sunt et signa partim comprehendunt, quae faciem sic dictam Hippocraticam constituunt. ^{a)} Ne quid desideraretur, haec attuli.

Aegroti, iam in limine mortis constituti, vultu truci decumbunt; ^{b)} murmura edunt obscura auresque habent tinnientes; ^{c)} spiritus ducunt aut crebros ap. vehementes, aut raros et magnos; ^{d)} sudores manant de collo; ^{e)} sputa sunt tenuia, minuta, crocique colorem referunt; ^{f)} artus contremiscunt; ^{g)} partes corporis extremae, praecipue pedes, frigore tentantur; ^{h)} cutis est frigida et dura; ⁱ⁾ nares sunt compressae et acuminatae, oculi cavi, tempora contracta, cutis in fronte rigida et tenta, os apertum. ^{k)}

a) v. *Lucret.* a v. 1180. usque ad v. 1194.

b) Conf. *Hipp. Coac. Praen. Sect. II.* p. 152. Προσώπου — συνθροπότης ἐν ἱστῇ, κακόν.

c) Conf. *Hipp. I. c.* p. 149. Βόμβος ἐν ὀφθαλμοῖς, καὶ ἡχος ἐν αὐτοῖς, θανάσιμον.

d) Conf. *Hipp. I. c.* p. 159. Πνεῦμα πυκνὸν μὲν ἔδν καὶ σμικρὸν, φλεγμονὴν καὶ πόνον ἐν τοῖσι καιροῖσι τόποισι σημαίνει· μέγα δὲ καὶ διὰ πολλοῦ (sc. ἀναπνεόμενον) παραφροσύνην ἢ σπασμὸν δηλοῖ — vid. *Galen. de dyspn. Lib. I.* p. 171. 54.

e) Conf. *Hipp. de Iudic. Sect. 11.* p. 54. τῶν ἰδρώτων κακίστοι εἰσὶν οἱ ψυχροὶ τε, καὶ περὶ τὴν αὐχέναν γινόμενοι, οἷτοι γὰρ θανάτους καὶ μῆκος νοσῶν προσσημαίνουν. Simile quid habet *Aët. Lib. V.* p. 78. ταραχώδεις δὲ ἰδρώτες — ἐνώμαλοι καὶ μὴ περὶ πᾶν τὸ σῶμα.

f) Conf. *Hipp. Praen. Sect. II.* p. 41. πύελον ξανθὸν ἔδν, ἢ πυρρὸν, ἢ πολλὴν βῆχα παρσχόν, καὶ μὴ ἰσχυρῶς συμμιγμένον, κακὸν γίνεται.

g) Conf. *Hipp. Coac. Praen.* p. 131. τὰ ἐν φρενιτικοῖσι νεανικῶς τρομώδεα, θανάσιμα.

h) Conf. *Hipp. Aphor. Lib. VI. Sect. VII. I.* p. 1258. ἐν τοῖσιν ὀφθαλμοῖς, ψύξεις ἀκρωτηρίων, κακόν. *Aphor. 74.* p. 1261. *Coac. Praen.* p. 196. κεφαλὴν καὶ πόδας καὶ χεῖρας κατεψυχθαι, κοιλίης καὶ πλευρῶν διερωδῶν ὄντων, κακόν. Conf. *Galen. in Hipp. Aphor. Comm. VII.* p. 315. 56. et in *Hipp. Lib. de vict. rat. in morb. ac.* Comm. II. p. 66. 53. *Aët. Lib. V.* 95. inter pestis signa enumerat ψύξεις ἀκρωτηρίων et Lib. V. 4. p. 78. ad φάλα σημαία refert καὶ ἄλλα τῶν ἐν τῷ σώματι ψυχρῶν τυγχάνοντων.

i) Conf. *Hipp. Praed. Lib. I. Sect. II.* p. 73. κατάψυξις μετὰ σκληρυνμοῦ, σημεῖον ὀλέθριον, et *Coac. Praen.* p. 118.

k) Conf. *Hipp. Coac. Praen.* p. 152. Προσώπου διαφθορῇ, θανάσιμον. Quid

Quantae fuerint Athenis turbae, morbus cum grassaretur, ex allatis satis superque elucescit. Mortui, moribundi et aegri sine ullo ordine huc et illuc prostrati sunt.^{a)} Magnam aegrotorum vim, iam in agone versantium, in viis conspicere licuit, praesertim circa fontes, ad quos miseri, siti discrucianti inexplibili, corpus traxerant;^{b)} immo deorum templa corporibus mortuorum referta fuerunt.^{c)}

Animalia, cum alites, tum quadrupedes, morbum haud secus ac homines infestavisse, *Thucydides* memoriae prodit; quotquot enim eorum cadaveribus humanis vesci solebant, non accesserunt, quanquam multa iacerent insepulta; et quae eorum gustaverunt, morbo absunta sunt.^{d)} Soli canes ob

hoc sit, vide praeter locum allatum *Hirc. Praen. Sect. II. p. 36.* ubi sequentia leguntur: ὅς ὁ δῆσ', ἰφθαλμοὶ κοῖλοι, κρόταφοι συμπεπτακότες, ὅτα ψυχρὰ καὶ ἐν-
ισταμένα — καὶ τὸ δέσμα τὸ περὶ τὸ μέτωπον σκληρόν τε καὶ περιτεταμένον καὶ
καρφαλέον ἐδὼν· καὶ τὸ χροῶμα τοῦ συμπαντος προσώπου χλωρόν τε καὶ μέλαν ἐδὼν καὶ
πελιὸν ἢ καλυβδόδες. Ultimum adscripsi faciei Hippocraticae signum, quanquam
eius *Lucretius* non meminert, ut totam eius imaginem ante oculos ponerem.

a) v. *Thuc.* p. 78. καὶ νεκροὶ ἐπ' ἀλλήλοις ἀποθνήσκοντες ἔκειντο, *Lucr.* v. 1254
et sqq. ubi hunc *Thucydides* locum more poetarum exornavit, uti saepius iamiam
vidimus.

b) v. *Thuc.* l. c. καὶ ἐν ταῖς ὁδοῖς ἐκαλινδοῦντο, καὶ περὶ τὰς πόλεις ἀνάσας,
ἡμιθνήτες, τῇ τοῦ ὕδατος ἐπιθυμίᾳ — *Lucretius* versus (1262 et sqq.) sunt:

Multa siti prostrata viam per proque voluta
Corpora silanos ad aquarum structa iacebant,
Interclusa anima, nimia ab dulcedine aquai.
Multaque per populi passim loca prompta viasque
Languida semianimo cum corpore membra videres.

c) v. *Thuc.* p. 79. τὰ τε ἱερὰ, ἐν οἷς ἐσκήνηντο, νεκρῶν πλεία ἦν, αὐτοῦ ἱνα-
ποθνήσκόντων etc. Quem quidem locum ita *Lucretius* a v. 1170, expressit:

Omnia denique sancta deum delubra replebat
Corporibus mors exanimis, onerataque passim
Cuncta cadaveribus Coelestum templa manebant.

d) v. *Thuc.* p. 75. τὰ γὰρ ὄρεα καὶ τετραπόδα, ὅσα ἀνθρώπων ἀπτεται — ἢ
οἱ προσήμι, ἢ γενομένοι διεισέειντο. *Lucr.* a v. 1212. et v. 1217 et sqq.

Nec tamen omnino temere illis solibus ulla
Comparebat avis, nec noctibus saecula ferarum
Exibant sylvis: languebant pleraque morbo
Et moriebantur..

Conf. Aët. p. 91. ubi haec loca optime illustrantur. Sermo nimirum est, quo

consuetudinem, quam cum hominibus habent, communi omnium cladi inprimis obnoxii visi sunt; quare mortuos eos per urbis vias dispersos videre licuit.^{a)}

CAP. IV.

De vario, quem morbus habuit, exitu.

Plerique die morbi septimo aut nono fato cesserunt.^{b)} Quanta hominum vis tunc temporis vita excesserit, praeter *Thucydidem Diodorus Siculus* memoriae mandavit. Prior affirmat, ex militibus legionariis quatuor millia et quadringentos, equites vero trecentos morbo periisse; reliquae turbae, quae morti occubisset, numerum iniri non posse.^{c)} In quo *Diodorus Siculus* ita recedit, ut peditum ultra quatuor millia, equites quadringentos, et ceterorum, sive fuerint li-

modo pestis praevideri possit, et dicit auctor: animum esse advertendum tempestatibus, quae brutis damnum inferant, ita pergens: εἰ μὲν ὁ περιέχων ἡμῶς ἀπὸ αὐτοῦ γίνετο τοῦ λοιμοῦ, τῶν πτηνῶν ἀρνέσθων ἢ θνήσκουσιν πρότερον· εἰ δὲ ἐκ τῶν ἀπὸ τῆς γῆς μοχθηρῶν ἀναθυμιάσεων τοῦτο συμβαλῇ, τῶν τετραπόδων ζώων ἢ φθορὰ γίγνεται πρότερον. PAUL. AEGIN. Lib. II. p. 44. ubi legimus, attendendum esse ζωοῖς ἄλλοις προαπολλυμένοις. Vterque locus et *Aetii* et *Pauli* ex libris *Rufi de peste* sumtus est. *Homerus* iam cecinit, mulos et canes pestilentiam primum invasisse; v. *Iliad.* v. 50.

οὐρῆας μὲν πρῶτον ἐπώχετο καὶ κύνας ἄργους.

CONF. PRIV. Symp. IV. p. 662. MACROB. Saturn. Lib. VII. c. 5. AMM. MARCELL. Lib. XIX. c. 4.

a) v. THUC. p. 76. οἱ δὲ κύνες μᾶλλον αἰσθησὶν παρῆσαν τοῦ ἀποβαλνότες, διὰ τὸ ξυνδιακίεσθαι. CONF. LVCAN. v. 1270 et sqq.

— quom primis fida canum vis

Strata viis animam ponebat in omnibus aegre.

et Ovid. l. c. 536.

b) v. THUC. p. 74. διαφθείροντο οἱ πλείοσι ἑνναταῖοι καὶ ἑβδομαῖοι ὑπὸ τοῦ ἐντός καύματος. CONF. LVCAN. v. 1195 et sqq.

Octavoque fere candenti lumina solis,

Aut etiam nona reddebant lampade vitam.

c) v. THUC. p. 298.

beii, sive servi, plus quam decem millia morbo consumpta esse statuat. ^{a)}

Qui hunc terminum superaverunt, ex debilitate plerumque moriuntur, quam exulceratio ventris vehemens et profluvium alvi immoderatum induxerant. ^{b)} Addit *Lucretius*, multum sanguinis corrupti et foetidi naribus exiisse, quo aegrorum vires ita fuerint prostratae, ut brevi post diem obirent supremum. ^{c)}

Qui mortem feliciter effugerant, vel ulceribus foedis in corporis superficie obortis, vel profluvio sanguinis atri accedente, eorum artus malum invasit. ^{d)} Duplicis indolis fuisse videntur partium extremarum affectus. Et primum quidem

^{a)} v. Diod. Sic. T. I. p. 517.

^{b)} v. THVC. p. 74. εἰ διαφύγοιεν, ἐπικατόντος τοῦ νοσήματος ἐς τὴν κοιλίαν, καὶ ἡλώσιός τε αὐτῇ ἰσχυρῶς ἐγγιγνομένης, καὶ διαφθόρας — πολλοὶ ὕστερον διὰ τὴν ἀσθένειαν διεφθείροντο. Conf. Aët. p. 91. ubi in pestis symptomatibus etiam occurrunt διαφθοαὶ χολόδας, λεπταὶ φροσώδεις. Quid sit ἡλώσις τῆς κοιλίας, vid. PAUL. AEGIN. Lib. III. 42. p. 96. ubi legitur: ἡ δυσεντερία ἡλώσις ἐστὶν τῶν ἐντέρων. Conf. Aët. Tetrabl. III. Sermon. I. c. 43. GALEN. de loc. aff. Lib. VI. p. 308. 19. GALEN. de caus. sympt. Lib. V. p. 244. 39. HIPPOCR. de affect. Sect. V. p. 522. 31. qui locus cum multum lucis asserat, transcribere eum mihi liceat: δυσεντερία ἐστιν ἔχον, ὁδὸν ἔχει κατὰ πᾶσαν τὴν κοιλίην, καὶ στρόφος· καὶ διαχωρεῖ χολὴν τε καὶ φλέγμα, καὶ αἷμα συρρικνωμένον; porro l. 43. νοσέει μὲν τὸ αἷμα καὶ διαχωρεῖ ἐφθαρμένον, νόσῃ δὲ καὶ τὸ ἐντέρον, καὶ ξύεται καὶ ἡλωῦται. Vocem „κοιλίας“, qua auctor noster utitur, medicis significare vel ventriculum, vel ventrem inferiorem vel alvum, vid. GALEN. in Hipp. de vict. rat. in morb. ac. Comm. IV. p. 114. 7. Quo modo *Lucretius* *Thucydides* locum verterit, vid. v. 1197 et sqq.

^{a)} v. LVCR. v. 1200 et sqq. Conf. Aët. l. c. ubi commemorantur ἀπὸ θανάτων αἵματός στασις.

^{b)} v. THVC. p. 75. καὶ εἰ τις ἐκ τῶν μέριστων περιγένοιτο, τῶν γε ἀκρωτέλων ἀντίληψις αὐτοῦ ἐπισημαίνει. Conf. LVCR. v. 1203 et sqq.

Profluvium porro qui tetri sanguinis acre

Exierat, tamen in nervos huic morbus et artus

Ibat —

Constat inter omnes, *Hippocrati* et medicis, qui proxime eum secuti sunt, τὸ νεῦρον, τὸν τόνον et τὸν συνδεσμὸν tre eadem fuisse, et promiscue saepius vel hoc vel illo usus esse verbo; vid. GALEN. in Hipp. Epid. Lib. VI. Comm. I. p. 443. 33. ἵνοι δὲ νεῦρα πάντα καλέσαντες δὲ ἦν εἶπον ὁμοούτητα ἱ. e. quidam nervos omnia vocantes ob eam, quam dixi, similitudinem; dixit nimirum paulo ante, haec tria in animalibus genera σαμάτων ὁμοιομερῶν, esse exsanguia.

naturam malum induisse videtur paralyticam; cum saepius videamus, febres perniciosiores, ubi genus nervorum maxime afflictum est, in extremorum resolutione terminari. Alterum genus affectionis gangraena est et sphacelus, quibus partes extremae destructae sunt.^{a)} Sed ne genitalibus quidem morbus pepercit.^{b)} Alii visum perdiderunt.^{c)} Cuius generis haec fuerit coecitas, ex praecedentibus patet. Dictum est, morbum ab oculorum rubore et inflammatione initium cepisse; ophthalmiam vero graviolem internam saepius in bulbi destructione finiri, notissimum est. Ultima denique species malorum, febrem pestilentem insequentium, omnium rerum tanta fuit oblivio, ut aegroti neque se ipsos, neque necessarios agnoscerent.^{d)} Quod quidem docet, morbi vim gravissime in cerebrum egisse eiusque functioni demum noxam intulisse.

At fuerunt quoque, qui perfectam nanciscerentur sanitatem, in quorum corporibus igitur nihil relinqueretur, quod morbum adfuisse testaretur. Sic *Thucydides* plenam recuperavit sanitatem, quem, ut ipse testatus est, morbus invaserat.

(*ἀναιμία*) et cavitatis expertia (*ἀκολία*) Conf. SPRENGEL *Gesch.* T. I. p. 394. Aristoteles nervos primus detexit, quos ποροὺς τοῦ ἐγκεφάλου nominavit, non νεύρα, cum cavos esse arbitraretur. v. *Hist. anim.* Lib. III. c. 5.

a) v. THVC. p. 75 et LVCR. v. 1208. Lucretii locus verbis Thucydidis obscurioribus lucem affundit; qua de re infra videbimus. Pedum summitates peste destrui, dicit GALEN. *de usu part. corp. hum.* Lib. III. p. 395. ὁ μὲν γὰρ λοιμὸς ἀπέσκηπεν ἀκροὺς τοὺς πόδας.

b) v. THVC. l. c. κατέσκηπτε καὶ ἐς τὰ αἰδοῖα.

c) v. THVC. l. c. εἶδ' οὐ καὶ τῶν ὀφθαλμῶν (sc. στερισκόμενοι) LUCR. v. 1209. — et perdebant lumina partim

a) v. THVC. l. c. τοὺς δὲ καὶ λήθη ἐλάμβανε — τῶν πάντων ὁμοίως, καὶ ἡγρόν-σαν σφᾶς τε αἰτοὺς καὶ τοὺς ἐπιτηδεύουσ. LVCR. v. 1210 et sqq. Conf. AET. Lib. VI. 23. p. 106. περὶ μνήμης ἀπολωλίας ex Rufo et Galeno: καὶ τοῦτο γίνεται ἢ ἐκ λοιμοῦ ὥσπερ οὖν καὶ συνέπεισε τῷ γενομένῳ ἐν Ἀθήναις λοιμῷ. De memoria morbis deleta vid. HIP. *Praed.* Lib. I. Sect. II. p. 72. κακὸν δὲ καὶ λήθη — et Coac. *Praen.* p. 118. GALEN. in *Hipp. Proorrh.* Comm. II. p. 190. hunc locum ita interpretatur: το μὴ γνωρίζων τοὺς συνήθεις καὶ το μὴ μνησθῆναι τῶν πεπραγμένων.

Fuisse praeterea, quos morbus intactos reliquerit, Socratis exemplum docet, qua de re infra dicturus sum.

CAP. V.

Quam vim in moribus hominum animisque pervertendis morbus pestilens habuerit?

Leges omnes de mortuis humandis a maioribus conditas quisque tum temporis migravit suosque sepelivit, utut potuit. ^{a)} Multi, qui suorum iam plures morte amiserant rerumque angustiis premebantur, impudentius iusta fecerunt, et corpus defuncti alienis imponentes rogis, non curarunt, alterius cadaver iamiam in iis cremari. ^{b)} Multi exequiis quoque spoliati sunt, cum non essent, qui funera ducerent, familiis integris morbo absumtis; quare saepius nec filius funeri paterno iusta solvit, nec pater funus filii prosecutus est.

Quo modo in animos hominum haec rerum funesta conditio egerit, *Thucydides* egregie ante oculos ponit. Cum viderent, nihil sibi in his rerum mutationibus constare; divites aequae emori ac pauperes; fortunas in illos transferri, qui

^{a)} v. Thuc. p. 79. νόμοι τε πάντες συνεταράχθησαν, οἷς ἐχρῶντο πρότερον περὶ τὰς ταφάς. Conf. Liv. v. 1276 et sqq.

Nec nos ille sepulturae remanebat in urbe,
Quo pius hic populus semper consuerat humari.

et Ovid. l. c. v. 606.

Corpora missa neci nullis de more feruntur
Funeribus —

^{b)} v. Thuc. l. c. καὶ πολλοὶ ἐς ἀνασχίντους θήκας ἐτάποντο, σπάνει τῶν ἐπιτηδείων, διὰ τὸ συχνὸς ἤδη προτεθνάναι οὖσιν. Conf. Liv. v. 1281 et sqq.

Namque suos consanguineos aliena rogorum
Insuper exstructa ingenti clamore locabant
Subdebantque faceis —

et Ovid. l. c. v. 610 et sqq.

paupertate oppressi fuerunt, et opibus privari, qui antea iis abundarunt; vivendi rationem fere omnes secuti sunt ex more Epicureorum, bonis nimirum perfruendum esse, quamdiu hac vita utantur, omnibusque indulgendum voluptatibus. ^{a)} Nec quisquam fuit, qui rei honestae causa susciperet labores, ignorans, num ante diem supremum, qui quavis hora ipsi expectandus erat, fine potiretur, nec ne; ^{b)} totus contra in iis occupatus erat, unde speravit fore ut vel utilitatem percipiat vel voluptatem.

Deorum quoque cultum, cum sacra profanis mista essent, quisque neglexit, nec ullus legibus se obstrictum putavit. Deos enim colere perinde iudicaverunt ac non colere, morte nemini parcente, sive sit bonus; sive malus. ^{c)} Legibus vero non obtemperandum esse duxerunt, cum neminem tamdiu in vita permansurum esse censerent, ut delictorum poenas quondam daturus sit; contra multo maiora et graviora ipsis impendere existimarunt, quare iam operam voluptatibus dandum sit, antequam illa eveniant. ^{d)}

^{a)} v. Thvc. I. c. ῥᾶν γὰρ ἐτόλμα τις, ἢ πρότερον ἀπεκρύνετο, μὴ καθ' ἡδονὴν ποιεῖν, ἀγχίστροφον τὴν μεταβολὴν ὁρῶντες τῶν τ' εὐδαιμόνων καὶ αἰφνιδίως θνησκόντων, καὶ τῶν οὐδὲν πρότερον κεκτημένων, εὐθὺς δὲ τὰ κτεῖνα ἔχοντων.

^{b)} v. Thvc. p. 80. καὶ τὸ μὲν προσηλασπεύειν τῷ δόξαντι καλῶ, οὐδεὶς πρόθυμος ἦν, ἄδηλον νομίζων, εἰ πρὶν ἐπ' αὐτὸ ἐλθεῖν, διασφαλισταί.

^{c)} v. Thvc. I. c. Θεῶν δὲ φόβος, ἢ ἀνθρώπων νόμος οὐδεὶς ἀπέριγε — κρινόντες ἐν ὁμοίῳ καὶ σέβειν καὶ μὴ, ἐκ τοῦ πάντας δρᾶν ἐν ἴσῳ ἀπολλυμένους.

^{d)} v. Thvc. I. c. πολὺ δὲ μέλλω τὴν ἤδη κατεφηγεμένην (sc. τὴν τιμωρίαν) σφῶν επικριμασθῆναι, ἢ πρὶν ἐμπεσεῖν, εἰκὸς εἶναι τοῦ βίου τὴν ἀπολαύσαι.

CAP. VI.

De morte Periclis et de Socrate, quem morbus pestilens non tetigerat.

Inter maximas iacturas, quas Athenienses illo tempore fecerunt, Periclis mors profecto referenda est. Pericles, qui domi militiaeque neminem habuit superiorem; filios duos, Xanthippum et Paralum, quos ex uxore habuit legitima, peste amiserat. Sunt, qui fortiter ipsum filiorum mortem tulisse dicant; sunt vero etiam, qui fractum animo domi latuisse contendunt. ^{a)} Pericles ipse anno belli peloponnesiaci tertio vita decessit ^{b)} (Olymp. LXXXVII. 3. a. Chr. 429). Non febris pestilenti, sed diuturno potius eum consumptum esse malo, *Plutarchus* testatur. ^{c)} *Aelianus* narrat, Periclem voluptati-

^{a)} v. *AELIAN. Var. Hist. Lib. IX. c. 6.* διὰ Περικλῆς ἐν τῷ λοιμῷ τοὺς παῖδας ἀποβαλὼν ἀνδρείοτατα τὸν θάνατον αὐτῶν ἤνεγκε, καὶ πάντας Ἀθηναίους εὐθυμότερον ἔπεισε τοὺς τῶν φιλάτων θανάτους γέμειν. Conf. *VALER. MAX. Fact. dict. mem. Lib. V. c. 10. PLVT. in Consol. ad Apollon. T. I. p. 465.* (Ed. Wytt.) ubi tamen Protagoram, Periclis amicum, disserentem inducit. *PLVT. in vit. Per. p. 172.* narrat, Periclem retinuisse primum animi aequabilitatem, filio minori natu superstitē; cum vero et hunc dira mors ipsi eripuisset, valde afflictum a rep. administranda per aliquod tempus eum abstinuisse. De morte filiorum Periclis vid. quoque *MACROB. Saturn. Lib. I. c. 1.*

^{b)} v. *ATHEN. Dipnosoph. Lib. V. c. 18.* Περικλῆς δ' ἀποθνήσκει κατὰ τὸ τρίτον ἔτος τοῦ πελοποννησιακοῦ πολέμου.

^{c)} v. *PLVT. in vit. Per. p. 173.* τότε δὲ τοῦ Περικλέους ἔοικεν ὁ λοιμὸς λαβῆναι οὐκ ὀξείαν ἄλλων, οὐδὲ σύντονον, ἀλλ' ἀβληχεῖ τινὶ νόσῳ — καὶ ὅπερ εἰπουσιν τὸ φρόνημα τῆς ψυχῆς — Quo in loco labe diuturna Pericli vim mentis obtusam esse auctor dicit. Et quanquam morbis diuturnis saepius vires animi debilitantur, et Pericli simile quid accidisse videtur; tamen dictum eius praeclarum, quod brevi ante abigum elocutus est, testatur, et ingenio eum valuisse et animo. Cum nimirum Pericles in eo esset, ut animam efflaret, et adstantes amici de rebus bene ab ipso gestis colloquerentur ipsumque collaudarent, dixit illud gravissimum: „sesse mirari, quod laudibus efferant, quae fortuita sint et multis iamiam contigerint, optimum vero et maximum non commemorent — οὐδεὶς γὰρ δι' ἐμὲ τῶν ὄντων Ἀθηναίων μέλαν ἱμάτιον περιεβάλετο —“ Magna profecto viroque bono dignissima vox! quam equidem existimo, ingenii non esse hebescentis morbiq; diuturnitate languentis, sed animum potius testari magnum et bene recteque factorum conscium. Conf. *Voy. du ieune Anach. p. 309.* Idem habet *BAYLE in Dict. histor. et crit. Pericl.* il mourut après une longue maladie, qui lui avoit affoibli le jugement — *Plutarchum* plane secutus.

bus deditum opibusque omnibus profusis in paupertatem redactum, cum Callia quodam et Nicia cicuta sibi mortem conscivisse; ^{a)} quod omnium falsissimum et mendacissimum est.

Socratem illo tempore peste non tentatum esse, *Aelianus* refert; ^{b)} quod quidem Socratem corpori firmo ac robusto debuisse nec non temperantiae, cui deditus fuerit, idem existimat. Non pertinet huc disquirere, num corporis firmitas ad contagium minus suscipiendum faciat, nec ne; cum exempla doceant, morbo epidemico corripī, quicumque bono gaudeant habitu optimeque valeant. *Thucydides* ipse memoriae prodit, nullum corpus, sive fuerit firmæ, sive infirmæ valetudinis, mali violentiæ resistere potuisse. ^{c)} Quare si sententiam libere proferre licet, hanc morbi immunitatem praeter vitam Socratis moderatam, cui *Aëtius* ^{d)} quoque plurimam tribuit vim in corpore servando et a pestis contagione defendendo, in animo Socratis ponerem placido nec ullo timore aliaque perturbatione commoto; cum experientia omnis aevi comprobatum sit, animum demissum, sollicitum timorisque plenum contagio recipiendo multum favere.

^{a)} v. *AELIAN. Var. Hist. Lib. IV. c. 23.* ἐπεὶ γὰρ ἐπέλεπε τὰ χρήματα αὐτοῦς, οἱ τρεῖς (sc. Pericles et consortes) κώνειον τελευταίαν πρόποσιν, ἀλλήλοις προπύοντες ὡσπεροῦν ἐκ συμποσίου ἀνέλθον. Nonnulli quoque critici in eo consentiunt, *Περικλέα* hic falso scriptum et *Αντοκλέα* s. *Αντοκλέα* legendam esse.

^{b)} v. *AELIAN. Var. Hist. Lib. XIII. c. 27.* καὶ ταύτη ἐνόσουν Ἀθηναῖοι πανδημεί, καὶ οἱ μὲν ἀπέθνησκον, οἱ δὲ ἐπιθαντικῶς εἶχον, Σωκράτης δὲ μόνος οὐκ ἐνόσησε τῇ ἄρχῃ. Conf. *AVL. GELL. Noct. att. Lib. II. c. 2.*

^{c)} v. *THUC. p. 76.* σῶμα τι αἰσχροῦς ὃν οὐδὲν διεφάνη πρὸς αὐτὸ, ισχύος περὶ ἧ εὐσθενείας, ἀλλὰ πάντα ξυνήρει.

^{d)} v. *AET. p. 91.* ὅταν γέ τις συμμέτροις τε πόνοις, καὶ βίῳ σώφροσι καὶ κεκολλημένῳ χρήται, τὸ σῶμα ἀπαθὲς διαμένει κατὰ πάσας τὰς τοιαύτας διαθέσεις (sc. λοιμώδεις).

CAP. VII.

Quid morbis, praesertim pestilentibus abigendis veteres adhibuerint? Quid ad pestem sedandam Athenienses fecerint? Et quinam fuerint illo tempore Atheniensium medici?

Expiationibus et lustrationibus ad morbos profligandos veteres usos esse, iam inde perspicuum est, quod ad deos eorumque iram morborum causas retulerint. Incantationes ^{a)} artemque musicam ^{b)} eundem in finem adhibitas esse, neminem fugit. Sic Epimenides Cretensis Athenas vocatus, ut peste eas liberaret, expiatione pestilentiam avertisse narratur; quam expiationem si quis cognoscere vult, videat *Diogenem Laërtium*, qui fusius hac de re loquitur. ^{c)} Non est, quod hic de Empedocle verba faciam, qui secundum *Diogenem Laërtium* pelles asinis detrahi utresque ex iis formari iussit, quibus circa montium cacumina exten-

^{a)} v. *Etym. M.* sub voce ἐπαοιδή — Ἰστέον, ὅτι ἀρχαία ἔστιν ἡ διὰ τῆς ἐπαοιδῆς θεραπεία. Ὅμηρος — πάντε δὲ ἐπαοιδῆς αἶμα κελαινόν etc. Conf. IAMBlich. *de vit. Pythag.* p. 111. et Hipp. *de morb. sacr.* Sect. III. p. 302. ubi in expiatores et circulatores invehitur, qui rationibus idoneis allatis, tutam sibi curationis viam proponant, expiationes offerentes et incantationes (καθαρμοὺς προσφέροντες καὶ ἐπαοιδάς).

^{b)} v. PLVT. *de mus.* p. 1146. ubi Thaletas Cretensis pestem Lacedaemone grassantem musica averruncasse narratur. *Homerus* quoque Graecos musica pestem depulisse, his versibus scribit (v. *Iliad. Rhaps. I.* v. 472 et sqq.):

οἱ δὲ πανημέριοι μολπῇ θεὸν ἱλάσκοντο,
καλὸν ἀείδοντες παιήονα, κοῦροι Ἀχαιῶν
μέλποντες ἐκὰς ἔργον —

Conf. IAMBlich. l. c. p. 113 et 169. Quamvis Pythagorei tribuerint arti musicae potestatem, animi corporisque motus turbulentos sedandi, notum est.

^{c)} v. Diog. LAERT. *de vit. dogm.* etc. Epim. p. 29. Conf. Cic. *de divin.* Lib. I. c. 18. APVLEI. *de mag.* Vol. II. p. 31. IAMBlich. l. c. p. 128. PORPHYR. *vit. Pythag.* p. 193. EUSEB. *Praep. evang.* p. 226, Epimenides inde καθαυρτής ἐνθουσι-αστικός nominatus est.

sis aër pestilenis exciperetur. ^{a)} Quod quidem Plutarchus aliter narrat. ^{b)}

Diximus in ea disputationis parte, in qua causas mali exposuimus, Athenienses pestem ab Apolline ipsis immissam, deum igitur placandum esse censuisse. Narrat *Diodorus Siculus*, Athenienses oraculi admonitu insulam Delum, Apollini sacram, lustrasse, quam sepultis inibi defunctorum cadaveribus inquinatam putarent; omnes igitur urnas effossas in insulam Rheneam, quae Delo vicina est, transtulisse; lege insuper sancita, *ne cui parere, neque sepelire in Delo fas esset.* ^{c)} Festum quoque Deliorum panegyricum, quod ex longo tempore non celebratum fuit, instauraverunt. *Thueydides* scribit, neque supplicationes, quas Athenienses ad deorum templa fecerint, neque oraculorum sciscitationes usus fuisse; quare ista tandem missa [fecerunt. ^{d)} Pericles quoque, teste *Plutarcho*, amico cuiusdam, qui ipsum invisibat, *amuletum* a mulieribus e collo suspensum ostendisse traditur; ^{e)} unde videmus, iam illis temporibus eiusmodi res, quibus contra morborum vim homines sese munierunt, in usu fuisse.

^{a)} v. DIOG. LAËRT. Lib. VIII. segm. 60. Idem ineptum habet SVIDAS v. *Εμπεδοκλής*. Conf. CLEM. ALEX. *Strom.* Lib. VI. p. 630. quo in loco carmen in Empedoclem legitur. IAMBL. et PORPHYR. l. c. eius mentionem faciunt. Empedocles inde *Κωλυσαμένης* dictus est.

^{b)} v. PLVT. *de curios.* T. III. p. 76. (Ed. Wytt.) ubi Empedocles montis hiatum, unde gravis et insalubris in planitiem exhalaret auster, abturravisse pestemque ita ea regione exclusisse traditur.

^{c)} v. DIOG. SIC. l. c. *ἐταξαν δὲ καὶ νόμον, μήτε τίς τειν ἐν τῇ Ἀθήλῳ, μήτε θάπτειν*. Scriptores enim mythologici narrant, Latonam in Delo Apollinem et Dianam enixam esse.

^{d)} v. THYC. p. 71. *δοῦν τε πρὸς ἱεροῖς ἐτένευσαν, ἣ μαντελοῖς καὶ τοῖς τοιοῦτοις ἐχρήσαντο, πάντα ἀνωφελῆ ἦν*.

^{e)} v. PLVT. *in vit. Per.* p. 173. — *ὅτι νοσῶν ὁ Περικλῆς ἐπιπονοῦν μέν τι τῶν φίλων δέξαι περὶ λαπτόν ὑπὸ τῶν γυναικῶν τῷ τραχηλῷ περιετρημένον* — Conf. BACON. *Hist. nat.* p. 960. Et olim (ut Periclis Atheniensis exemplum docet) et nunc usitatum, gestare vesicas ex Mercurio vivo aut tabellas ex arsenico, pestis amuletum.

Fuerunt quidem Atheniensibus, qui ipsos curarent, medici; cum certam vero morbi cognitionem non haberent, ei ab initio mederi non potuerunt, sed potissimum et ipsi morbo absumti sunt, quo magis ad aegrotos accesserunt. ^{a)} Nullum quoque remedium repertum est, quod utilitatem praestitisset; quod enim alteri profuit, id alteri noxam attulit. ^{b)} Ceterum qui summis tantum labris artis medicae historiam attigit, eum nequitiam effugere arbitror, medicos illius aevi aegrotis praecepta inprimis dedisse diaetetica; deinde remedia iis propinavisse, quae vel alvum ducerent, vel vomitum cierent, vel sudorem elicerent. Helleborum album hunc in finem saepius in usum esse vocatum, notissimum est.

Chirurgia multum exulta fuit. Scripta Hippocratis bona continent praecepta, fasciis partes corporis laesas rite involvendi et instrumenta dextere admovendi. Sanguinis missiones iam diu in usu fuisse, pariter constat. Locus quidam *Lucretii* nos edocet, Athenienses chirurgorum medelam expertos esse; *Thucydidis* locum eandem admittere interpretationem, probabimus. *Lucretius* dicit v. 1207 et sqq.:

Vivebant ferro privati parte virili:

Et manibus sine nonnulli pedibusque manebant

In vita tamen —

Cultro igitur chirurgico medicos usos esse, inde apparet.

^{a)} v. THVC. p. 71. οὔτε γὰρ ἰατροὶ ἤρχοντο τοῦ πρώτου θεραπεύοντες ἀγνοοῦντες, ἀλλ' αὐτοὶ μάλιστα ἔθνησκον, ὅσῳ καὶ μάλιστα προσήεσαν.

^{b)} v. THVC. p. 76. Ἐν δὲ οὐδὲν κατέστη ἴαμα, ὥς εἰπεῖν, ὃ, τι χρὴν προσφέρου-
τας ὠφελεῖν· τὸ γὰρ τῷ ξυνενιγνύν, ἄλλον τοῦτο ἐβλαπτε. Quod LVCR. v. 1224 et
sqq. ita expressit.

Nec ratio remedi communis certa dabatur.

Nam quod alis dederat vitaleis aëris auras

Volvere in ore licere, et coeli templa tueri:

Hoc aliis erat exitio, lethumque parabat.

CONF. OVID. l. c. v. 527.

Optime autem hunc locum illustrant cum quae antecedunt, tum quae sequuntur. Versus enim, qui praecedit, est:

Et graviter partim metuentes limina lethi,
et qui sequitur:

Vsq̄ adeo mortis metus hic incusserat acer.

Vnde iam videmus, passos esse aegrotos pudenda sibi amputari, ut mortem, quam gangraena adduxisset, effugerent. Qui vero sequitur versus, est quasi poëtae apostrophe, dicere volentis: tantum in hominibus mortis metus valet, ut mutilationes vel turpissimas aequo ferant animo, dummodo his vita conservetur. *Thucydidis* locus est: καὶ πολλοὶ στερισκόμενοι τούτων διέφυγον i. e. et multi privati illis effugerunt. Iam existimat *Petr. Victorius*, a) *Lucretium* non recte assecutum esse *Thucydidis* sententiam, quod hunc *Thucydidis* locum ratione, quam modo attuli, in sermonem verterit latinum. Sed verbum „στερισκόμενοι“ i. e. patientes privari sc. a chirurgo illud *Lucretii* iam continet, nec solam partium qualemcunque affectionem denotare potest. Quam si auctor intellexisset, alio profecto usus esset verbo, ut ἀντιλαμβάνεσθαι, cum paulo ante ἀντιλήψιν τῶν ἀκρωτηρίων commemoravisset. *Lucretium* defendit praeter *Lambinum Hier. Mercurialis*. a)

Magna quaestio est, num *Hippocrates Atheniensibus* auxilium tulerit. c) Si orationi, quam *Thessalus ad Athenienses*

a) v. *Var. Lect. Lib. XXXV. c. 8.*

b) v. *Var. Lect. Lib. III. c. 12.*

c) Bello peloponnesiaco artem medicam ab *Hippocrate* maxime excultam esse, *Plinius* his testatur verbis (v. *H. N. Lib. XXIX. c. 1.*) Sequentia eius (medicinae) a troianis temporibus, mirum dictu, in nocte densissima latuere, usque ad pelop. bellum. Tunc eam in lucem revocavit *Hippocrates*.

habuit, fides habenda est, Hippocrates per Graeciam filios, generum et discipulos dimisit, ut peste laborantibus succurrerent. ^{a)} Sic Atheniensibus filium Thessalum auxilio misit, postea et ipse Athenas sese contulit. ^{b)} Extat quoque in Hippocratis scriptis, quae pro spuris plerique habent critici, Atheniensium senatusconsultum, quo ediscimus, publice Hippocrati gratias esse decretas pro tantis in ipsos collatis beneficiis. Tria in illo enumerantur, quibus Hippocrates Atheniensium animos sibi devinxisset. ^{c)} Primum, quod Graecos peste liberaverit; deinde quod scripta de re medica in lucem protulisset, omnesque ita artis medicae participes reddidisset; denique quod barbaris, qui Graecorum hostes essent, cum peste premerentur, operam denegasset. ^{d)} Quae beneficia Athenienses his remunerati sunt officiis: ut Hippocrates publice sacris initiaretur eleusiniis; coronam acciperet auream mille aureorum; ^{e)} ut Coorum liberis liceret Athenis pubertatem ago-

^{a)} v. Orat. Thess. ad Ath. (Hipp. Op. p. 1295.) καὶ ἄλλους τῶν μαθητῶν διέπεμψεν εἰς ἑτέρας ἑτέρων καὶ πρὸς ἀγορὰς καὶ δόους πορευομένους· ὅπως ἐπὶ πλεστοῖς ἐπαρῆσαν. Conf. GALEN. opt. med. et philos. p. 9. ἀπολείπει δὲ Κώοις μὲν καὶ πολλοῖσι Πόλυδόν τε (quod nomen gener Hippocratis gerit) καὶ τοὺς ἄλλους μαθητὰς. PLIN. H. N. Lib. VII. c. 37. discipulosque ad auxiliandum circa urbes dimisit: quod ob meritum honores illi, quos Herculi, Graecia decrevit.

^{b)} v. Or. Thess. τοῖς δ' ἐν αὐτῇ (sc. Boeotii) ἐπαμύνας ἀνάλωγος, ἐν τῇ ὁμογενείᾳ ἦεν — Extat in HIPPOCR. Epid. Lib. III. Sect. VII. Aegr. 16. p. 1080. historia feminae aegrotae, quae in mendacium foro (ἐν πενθέων ἀγορῇ) decubuit. Sed GALENUS (v. in Libr. III. Epid. Comm. II. p. 417. 43.) dicit, non liquere, utrum Athenis, an alia in urbe haec fomina aegrotaverit (ἐν Ἀθηναῖς ἐν τῇ τῶν Κερκυραίων ἀγορᾷ κατέκριντο τοῦτο τὸ γένος, εἴτε ἐν ἄλλῃ πόλει etc.)

^{c)} v. Senatuscons. Ath. (Hipp. op. p. 1290.)

^{d)} Praeter loca laudata conf. GALEN. opt. med. et philos. p. 9. et STOR. Eclog. Sent. Serm. XIII. p. 146. ubi quidam Hippocrati suadet ad regem ire, bonum esse dicens regem; sed Graecus respondit mihi non opus est bono domino (οὐ δεῖμα χρῆσθαι δεσπότῳ). Voy. du jeune Anach. p. 308.

^{e)} Conf. praeter Senatusc. ACTYAR. Meth. med. T. II. L. V. p. 404. et de Medic. comp. T. III. p. 86. Hippocratis antidotum, quo pestilenti contagione populum grassante Athenis, usus, corona ab Atheniensibus donatus est.

re; ut civitate Hippocrates donaretur victusque ipsi publicus in Prytaneo per omne vitae tempus concederetur. Quantum ad tertium Hippocratis beneficium, quod barbaris nimirum auxilium non tulerit, extant quidem epistolae, quas Artaxerxes Macrochir Paeto et Hystani satrapis misisse traditur, ut Hippocratem ad opem Persis ferendam arcesserent. ^{a)} Adsunt quoque Artaxerxis literae ad Coos, in quibus, ut Hippocratem ipsi tradant, imperat; sin minus, urbem sese ferro et igne devastaturum soloque aequaturum esse, minitatur. ^{b)} Et Coorum reponsum animos magnos testatur et fortes, Graecis profecto dignissimos. ^{c)} Quotquot autem sunt epistolae, fide carent historica. Ceterum plane ex more Graecorum est, barbaris non succurrere; quamobrem hunc respiciens, illud Hippocratis factum in dubium non vocaturus sum. Fuit Hippocrates φιλέλλην; an φιλόανθρωπος fuerit, forsitan quis dubitabit. Illo quidem tempore suos servare praestitisset, quam aliorum suscipere curationem; et qui Hippocratis iusiurandum legerit, omnis ipsi dubitatio sublata erit.

Sunt vero alii, magna valentes auctoritate, qui Hippocratem pestis tempore Athenis commoratum esse confirmant. Aetius narrat, Hippocratem magnis ignibus accensis aërem effecisse puriorem et salubriorem; ^{d)} quibus Galenus addit,

a) v. Epist. Artax. ad Hyst, (Hipp. op. p. 1272). δὲ οὐκ αὐτῷ χρυσὸν δόσον ἂν βούληται, καὶ τὰ ἄλλα χυδῆν ὥν σπανίζει· καὶ πέμπε ἐς ἡμέας· ἔσται γὰρ ἰσότητος Περσῶν τοῖς Ἕλλησιν.

b) v. Epist. ad Coos. (Hipp. op. p. 1273) δηλώσας γὰρ τὴν ἐμετέραν πόλιν, καὶ ὅσον καὶ τοσούτας, εἰς πέλγος ποιήσω —

c) v. Resp. Coor. οὔτε δώσουσιν Ἱπποκράτεια, οὐδὲ εἰ μέλλοιεν ὀλέθρῳ τῷ κακίστῳ ἀπολέσθαι.

d) v. Art. p. 911 καὶ ἀνάγκη δὲ αἱ πύρρα πολλὴ δύναται ἂν μεταβαλεῖν ἐπὶ τὸ θερμὸν καὶ ξηρὸν τὸν αἶρα, ὡς ὑγρὸν γενόμενον καὶ ψυχρὸν, καθάπερ ποιεῖται φάσιν Ἱπποκράτης ἐν Ἀθήναις.

lignis eum suaveolentibus aliisque, quae bonum spirent odorem, ad ignes alendos usum esse medicamentis. ^{a)} *Plutarchus* quoque affirmat, ignem medicos pro remedio adversus pestem habere, quippe qui aërem extenuet; quod melius fieri dicit, si ligna odorata urantur, ut cupressi, iuniperi, piceae. ^{b)} Ita Acronem medicum pestis tempore Athenis quondam commorantem, magnam sibi paravisse gloriam aiunt, qui ignem Athenienses pone aegrotantes accendere iussit. ^{c)}

Maximis igitur premittitur difficultatibus certo eruere, num *Hippocrates* magnus Atheniensibus, peste laborantibus, quam *Thucydides* descripsit, subvenerit, nec ne. In Thessali oratione atque in vita *Hippocratis* secundum *Soranum* pestis mentio fit, quae ab Illyriis in Atticam venerit; ^{d)} Illyrium vero Graecis septentrionem versus spectare, notum est. Cum de morbi origine loqueremur, pestem ex Aethiopia et Aegypto ortum duxisse, vidimus; quae quidem terrae Graecis meridiem versus sitae sunt. Porro, si ex omnium fere consensu *Hippocrates* Ol. LXXX. 1. (a. Chr. 460) natus est, ^{e)} atque si pestis Ol. LXXXVII. 2. (a. Chr. 430) Athenis saeviit, Hippo-

a) v. *GALEN. de ther. ad Pis. T. II. p. 467.* κεύσας οὖν ἀνὰ τὴν πόλιν ὕλην ἐξάπτεισθαι τὸ πῦρ, οὐχ ἀπλὴν τῆς ἀνάψεως τὴν ὕλην ἔχον, ἀλλὰ στεγάνων τε καὶ τῶν ἀνθρώπων τὰ εὐωδέστατα, τοιαῦτα συνεβούλευσεν εἶναι τοῦ πυρὸς τὴν τροφήν, καὶ ἐπισπειδέναι αὐτῷ τῶν μύρων τὰ λιπαρώτατα, καὶ ἡδεῖαν τὴν ὁσμὴν ἔχοντα etc. *Conf. Voy. du jeune Anach. l. c.*

b) v. *PLVT. de Is. et Osir. T. II. p. 568.* λεπύνει δὲ βέλτιον, ἐν εὐώδῃ ὕλῃ καίωσιν, οἷα κυπαρίσσι καὶ ἀρκυόθου καὶ πένκης.

c) v. *PLVT. de Is. et Osir. l. c.* *Conf. SVID. Lex. sub voce Ἀκρων.* *HIER. MERCUR. Var. Lect. Lib. II. c. 18.* putat, remedium illud Hippocratem ab Acrone accepisse, cum Acron Hippocrate antiquior fuerit. Eiusdem Acronis mentionem faciunt *Aëtius* et *Paul. Aegin. l. c.* *Conf. LE CLERC Hist. de la med. Lib. II. c. 35.*

d) v. *Or. Thess. p. 1294.* ὁπότε λοιμοῦ ἑόντος διὰ τῆς βαρβάρου ἢ ὑπερκίται *Ἰλλυρίων καὶ Παιόνων*; et *Vit. Hipp.* ἀλλὰ καὶ εἰς τὴν Ἰλλυρίων καὶ Παιόνων βαρβάρων γῆν λοιμοῦ κατασκήψαντος. *Conf. PLIN. H. N. Lib. VII. c. 37.* venientem ab Illyriis pestilentiam praedixit.

e) v. *Vit. Hipp. sec. Soran. (Hipp. op. p. 1297.)* γενηθεῖς — κατὰ τὸ πρῶτον ἔτος τῆς ὀγδοηκοστῆς ὀλυμπιάδος,

crates eo tempore annos XXX emensus erat. Et quanquam hac aetate constitutus, prospero cum successu medicinam facere et magna auctoritate apud Graecos valere potuit, filios tamen et generum per Graeciae urbes dimittere haud potuit. Denique valde mirum videtur, quod Thucydides ne ullo quidem verbo Hippocratis meminerit, auxilio Atheniensibus venientis. Quare aut alia est pestis, qua famae celebritatem Hippocrates consecutus est, aut certe non ea, cuius historiam Thucydides nobis tradidit. ^{a)}

^{a)} Conf. LE CLERC. Part. I. Lib. III, c. 31. p. 244-245 et SPRENGEL l. c. p. 371.



a.
plague

